中国古代志怪小说茶座一

百年好读编辑部 主编

珠海百年电子音像出版社

书名:中国古代志怪小说荼座一

著作:百年好读编辑部

出版社:珠海百年电子音像出版社

出版日期:2006-07

丛书名:茶余饭后古代小说版

ISBN 7-90048-00-10/I • 61

定价:10.00

目 录

宗定伯

吴王小女

韩凭夫妇

卢充

苏娥诉冤

李寄斩蛇

三王墓

白水素女

嵇中散

刘阮入天台

卖粉儿

新死鬼

周处

徐铁臼

阳羡书生

周秦行纪

裴少尹

游仙窟

王榭传

三山福地志

绿衣人传

金凤钗记

申阳洞记

太虚司法传

长安夜行录

凤尾草记

庄子休鼓盆成大道

灌园叟晚逢仙女

宗定伯

南阳宗定伯,年少时,夜行逢鬼。问曰:"谁?"鬼曰:"鬼 也。"鬼曰:"卿复谁?"定伯欺之,言:"我亦鬼也。"鬼问:"欲 至何所?"答曰:"欲至宛市。"鬼言:"我亦欲至宛市。"共行数 里。鬼言:"步行太亟,可共迭相担也。"定伯言:"大善。"鬼便 先担定伯数里。鬼言:"卿太重,将非鬼也?"定伯言:"我新死, 故重耳。"定伯因复担鬼,鬼略无重。如是再三。

定伯复言:"我新死,不知鬼悉何所畏忌?"鬼曰:"唯不喜人唾。"于是共道遇水,定伯因命鬼先渡;听之了无声。定伯自渡,漕漼作声。鬼复言:"何以作声?"定伯曰:"新死不习渡水耳。勿怪!"行欲至宛市,定伯便担鬼至头上,急持之。鬼大呼,声咋咋,索下。不复听之,径至宛市中。着地化为一羊,便卖之。恐其便化,乃唾之。得钱千五百,乃去。于时言: "定伯卖鬼,得钱千五百。"

(《搜神记》)

吴王小女

吴王夫差小女, 名曰紫玉, 年十八, 才貌俱美。童子韩重,

年十九,有道术,玉悦之,私交信问。许为之妻。重学于齐鲁之间。临去,嘱其父母使求婚。王怒,不与女。玉结气死,葬阊门之外。三年,重归,诘其父母,父母曰:"王大怒,女结气死,已葬矣。"

重哭泣哀恸,具牲币,往吊于墓前。玉魂从墓出,见重流涕,谓曰:"昔尔行之后,令二亲从王相求,度必克从大愿,不图别后遭命,奈何。"玉乃左顾宛颈而歌曰:

南山有乌,北山张罗,乌既高飞,罗将奈何! 意欲从君,谗言孔多,悲结生疾,没命黄垆。 命之不造,冤如之何!羽族之长,名为凤凰。 一日失雄,三年感伤,虽有众鸟,不为匹双。 故现鄙姿,逢君辉光,身远心近,何当暂忘!

歌毕,欷歔流涕,邀重还冢。重曰:"死生异路,惧有尤愆,不敢承命。"玉曰:"死生异路,吾亦知之,然今一别,永无后期,子将畏我为鬼而祸子乎?欲诚所奉,宁不相信?"重感其言,送之还冢。玉与之饮宴,留三日三夜,尽夫妇之礼。临出,取径寸明珠以送重曰:"既毁其名,又绝其愿,复何言哉!时节自爱!若至吾家,致敬大王。"

重既出,遂诣王自说其事。王大怒曰:"吾女既死,而重造讹言,玷秽亡灵。此不过发冢取物,托以鬼神。趣收重!"重走脱,至玉墓所诉之。玉曰:"无忧!今归白王。"王妆梳,忽见玉,惊愕悲喜。问曰:"尔缘何生?"玉跪而言曰:"昔诸生韩重来求玉,大王不许。玉名毁义绝,自致身亡。重从远还,闻玉已死,故赍

牲币诣冢吊唁。感其笃终,辄与相见,因以珠遗之,不为发冢,愿勿推治。"夫人闻之,出而抱之,玉如烟然。

(《搜神记》)

韩凭夫妇

宋康王舍人韩凭,娶妻何氏,美。康王夺之。凭怨,王囚之,论为城旦。妻密遗凭书。缨其辞曰:"其雨淫淫,河大水深,日出当心。"既而王得其书,以示左右,左右莫解其意。臣苏贺对曰: "其雨淫淫,言愁且思也;河大水深,不得往来也;日出当心,心有死志也。"俄而凭乃自杀。

其妻乃阴腐其衣。王与之登台,妻遂自投台;左右揽之。衣不中手而死。遗书于带曰:"王利其生,妾利其死,愿以尸骨,赐 凭合葬!"

王怒,弗听。使里人埋之,冢相望也。王曰:"尔夫妇相爱不已,若能使冢合,则吾弗阻也。"宿昔之间,便有大梓木生于二冢之端,旬日而大盈抱。屈体相就,根交于下,枝错于上。又有鸳鸯,雌雄各一,恒栖树上,晨夕不去,交颈悲鸣,音声感人。宋人哀之,遂号其木曰"相思树";相思之名,起于此也。南人谓此禽即韩凭夫妇之精魂。

今睢阳有韩凭城。其歌谣至今犹存。

卢充

卢充者, 范阳人。家西三十里有崔少府墓。充年二十, 先冬 至一日, 出宅西猎戏。见一獐, 举弓而射, 中之。獐倒, 复起, 充因逐之,不觉远。忽见道北一里许,高门瓦屋四周,有如府舍, 不复见獐。门中一铃下唱客前。充问:"此何府也?"答曰:"少 府府也。" 充问:"我衣恶那得见少府?"即有一人提一 新衣, 曰:"府君以此遗郎。"充便着讫,进见少府,展名姓。酒炙数行, 谓充曰:"尊府君不以仆门鄙陋,近得书为君索小女婚,故相迎耳。" 便以书示充。充父亡时虽小,然已识父手迹。即欷歔无复辞免。 即敕内卢郎已来,可令女郎妆严。且语充云:"君可就东廊。"及 至黄昏,内白女郎妆严已毕。充既至东廊,女已下车,立席头, 却共拜。时为三日,为三日毕。崔谓充曰:"君可归矣。女有娠相, 若生男, 当以相还, 无相疑; 生女, 当留自养。" 敕外严车送客。 充便辞出。崔送至中门, 执手涕零。出门见一犊车, 驾青衣, 又 见本所着衣及弓箭,故在门外。寻传教将一人提 与充,相问 曰:"姻援始尔,别甚怅恨。今复致衣一袭,被褥一副。"充上车, 去如电逝,须臾至家,家人相见,悲喜推问。知崔是亡人,而人 其墓, 追以懊惋。

别后四年,三月三日,充临水戏,忽见水旁有二犊车,乍沉 乍浮,既而近岸,同坐皆见。而充往开车后户,见崔氏女与三岁 男共载。充见之欣然,欲捉其手。女举手指后车曰:"府君,见之。" 即见少府。充往问讯,女抱儿还充,又与金碗,并赠诗曰: 煌煌灵芝质, 光丽何猗猗!

华艳当时显,嘉异表神奇。

含英未及秀,中夏罹霜萎。

荣耀长幽灭,世路永无施。

不悟阴阳运, 哲人忽来仪。

会浅离别速,皆由灵与祗。

何以赠余亲,金碗可颐儿。

恩爱从此别,断肠伤肝脾!

充取儿、碗及诗,忽然不见二车处。充将儿还,四座谓是鬼魅,金遥唾之,形如故。问儿"谁是汝父",儿径就充怀。众初怪恶,传省其诗,慨然叹死生之玄通也。

充后乘车入市卖碗,高举其价,不欲速售,冀有识者。忽有一老婢识此,还白大家曰:"市中见一人乘车,卖崔氏女郎棺中碗。"大家即崔氏亲姨母也。遗儿视之,果如其婢言。上车叙姓名,语充曰:"昔我姨嫁少府,生女,未出而亡,家亲痛之,赠一金碗,著棺中。可说得碗始末。"充以其事对,此儿亦为之悲咽,赍还白母。母即令诣充家迎儿视之。诸亲悉集。儿有崔氏之状,又复似充貌。儿、碗俱验。姨母曰:"我外甥三月末间产,父曰:'春暖温也,愿休强也,即字温休'。"温休者,幽婚也,其兆先彰矣。儿遂成 令器,历郡守二千石,子孙冠盖相承至今。其后植字子干,有名天下。

苏娥诉冤

汉九江何敞,为交州刺史,行部到苍梧郡高安县,暮宿鹄奔亭。夜犹未半,有一女从楼下出,呼曰:"妾姓苏,名娥,字始珠,本居广信县,修里人。早失父母,又无兄弟,嫁与同县施氏。薄命夫死,有杂缯帛百二十匹,及婢一人,名致富。妾孤穷羸弱,不能自振,欲之旁县卖缯。从同县男子王伯,赁牛车一乘,值钱万二千,载妾并缯,令致富执辔乃以前年四月十日,到此亭外。于时日已向暮,行人断绝,不敢复进,因即留止。致富暴得腹痛,妾之亭长舍,乞浆取火。亭长龚寿,操戈持戟,来至车旁,问妾曰:"夫人从何而来?车上所载何物?丈夫安在?何故独行?"妾应曰:"何劳问之。"寿因持妾臂曰:"少年爱有色,冀可乐也。"妾惧怖不从。寿即持刀刺胁下,一创立死。又刺致富,亦死。寿掘楼下,合埋,妾在下,婢在上,取财物去。杀牛烧车,车釭及牛骨贮亭东空井中。妾既冤死,痛感皇天,无所告诉,故来自归于明使君。"敞曰:"今欲发出汝尸,以何为验?"女曰:"妾上下

著白衣,青丝履,犹未朽也。愿访乡里,以骸骨归死夫。"掘之果然。敞乃驰还,遣吏捕捉,拷问具服。下广信县验问,与娥语合。寿父母兄弟,悉捕系狱。敞表寿:"常律杀人,不至族诛。然寿为恶首,隐密数年,王法自所不免。令鬼神诉者,千载无一。请皆斩之,以明鬼神,以助阴诛。"上报听之。

李寄斩蛇

东越闽中有庸岭,高数十里。其西北隙中,有大蛇,长七八丈,大十余围。土俗常惧。东冶都尉及属城长吏,多有死者。祭以牛羊,故不得祸。或与人梦,或下谕巫祝,欲得啖童女年十二三者。都尉、令、长,并共患之。然气厉不息。共请求人家生婢子,兼有罪家女养之。至八月朝祭,送蛇穴口,蛇出,吞啮之。累年如此,已用九女。

尔时预复募索,未得其女。将乐县李诞,家有六女,无男。 其小女名寄,应募欲行。父母不听。寄曰:"父母无相,惟生六女, 无有一男,虽有如无。女无缇萦济父母之功,既不能供养,徒费 衣食,生无所益,不如早死。卖寄之身,可得少钱,以供父母, 岂不善耶?"父母慈怜,终不听去,寄自潜行,

不可禁止。

寄乃告请好剑及咋蛇犬。至八月朝,便诣庙中坐,怀剑将犬。 先将数石米糍,用蜜 灌之,以置穴口。蛇便出,头大如囷,目 如二尺镜,闻糍香气,先啖食之。寄便放犬,犬就啮咋;寄从后 斫得数创。创痛急,蛇因踊出,至庭而死。寄入视穴,得九女髑 髅,悉举出,咤言曰:"汝曹怯弱,为蛇所食,甚可哀愍!"于是 寄女缓步而归。

越王闻之,聘寄女为后,拜其父为将乐令,母及姊皆有赏赐。自是东冶无复妖邪之物。其歌谣至今存焉。

三王墓

楚干将、莫邪为楚王作剑,三年乃成,王怒,欲杀之。剑有雌雄。其妻重身当产。夫语妻曰:"吾为王作剑,三年乃成,王怒,往必杀我。汝若生子是男,大,告之曰:'出门望南山,松生石上,剑在其背。'"于是即将雌剑往见楚王。王大怒,使相之。剑有二,一雄一雌,雌来雄不来。王怒,即杀之。

莫邪子名赤比,后壮,乃问其母曰:"吾父所在?"母曰:"汝 父为楚王作剑,三年乃成,王怒,杀之。去时嘱我语汝:'出户望 南山,松生石上,剑在其背。'"于是子出户南望,不见有山,但 睹堂前松柱下,石低之上。即以斧破其背,得剑,日夜思欲报楚 王。

王梦见一儿,眉间广尺,言欲报仇。王即购之千金。儿闻之亡去,人山行歌。客有逢者,谓:"子年少,何哭之甚悲耶?"曰: "吾干将、莫邪子也,楚王杀吾父,吾欲报之。"客曰:"闻王购子头千金,将子头与剑来,为子报之。"儿曰:"幸甚!"即自刎,两手捧头及剑奉之。立僵。客曰:"不负子也。"于是尸乃仆。

客持头往见楚王, 王大喜。客曰:"此乃勇士头也,当于汤镬煮之。"王如其言。煮头,三日三夕不烂。头踔出汤中,嗔目大怒。客曰:"此儿头不烂,愿王自往临视之,是必烂也。"王即临之。客以剑拟王,王头随堕汤中,客亦自拟己头,头复堕汤中。三首俱烂,不可识别,乃分其汤肉葬之,故通名"三王墓"。今在汝南北宜春县界。

(《搜神记》)

白水素女

晋安帝时,侯官人谢端,少丧父母,无有亲属,为邻人所养。 至年十七八,恭谨自守,不履非法。始出居,未有妻,邻人共悯 念之,规为娶妇,未得。

端夜卧早起,躬耕力作,不舍昼夜。后于邑下得一大螺,如三升壶,以为异物,取以归,贮瓮中,畜之十数日。端每早至野,还,见其户中有饭饮汤火,如有人为者;端谓邻人为之惠也。数日如此,便往谢邻人。邻人曰:"吾初不为是,何见谢也?"端又以邻人不喻其意。然数尔如此,后更实问。邻人笑曰:"卿已自娶妇,密蓍室中炊爨,而言我为之炊耶?"端默然心疑,不知其故。

后以鸡鸣出去,平旦潜归,于篱外窃窥其家中,见一少女从瓮中出,至灶下燃火。端便入门,径至瓮所视螺,但见女。乃到灶下,问之曰:"新妇从何处来,而相为炊?"女大惶惑,欲还瓮中,不能得去。答曰:"我天汉中白水素女也。天帝哀卿少孤,恭慎自守,故使我权为守舍炊烹。十年之中,使卿居富得妇,自然还去。而卿无故窃相窥掩,吾形已现,不能复留,当相委去。虽然,尔后自当少差,勤于田作,渔采治生。留此壳去,以贮米谷,常可不乏。"端请留,终不肯。时天忽风雨,翕然而去。

端为立神座, 时节祭祀。居常饶足, 不致大富耳。于是乡人

以女妻之。后仕至令长云。今道中素女祠是也。

(《搜神后记》)

嵇中散

嵇中散神情高迈,任心游憩。尝行西南游,去洛数十里,有亭名华阳,投宿。夜了无人,独在亭中。此亭由来杀人,宿者多凶;中散心神萧散,了无惧意。至一更中操琴。先作诸弄,雅声逸奏。空中称善。

中散抚琴而呼之:"君是何人?"答云:"身是故人,幽没。 于此数千年矣。闻君弹琴,音曲清和,昔所好,故来听耳。身不 幸非理就终,形体残毁,不宜接见君子;然爱君之琴,要当相见, 君勿怪恶之。君可更作数曲。"中散复为抚琴,击节曰:"夜已久, 何不来也?形骸之间,复何足计。"乃手挈其头曰:"闻君奏琴, 不觉心开神悟,恍若暂生。"遂与共论音声之趣,辞甚清辩。

谓中散曰:"君试以琴见与。"于是中散以琴授之。既弹众曲,亦不出常;唯广陵散声调绝伦。中散才从受之,半夕悉得。先所受引殊不及。与中散誓,不得教人,又不得言其姓。天明,语中散:"相与虽一遇于今夕,可以还同千载;于此长夕,能不怅然!"(《灵鬼志》)

刘阮入天台

汉明帝永平五年,剡县刘晨、阮肇共入天台山取毂皮,迷不得返。经十三日,粮食乏尽,饥馁殆死。遥望山上,有一桃树,大有子实;而绝岩邃涧,永无登路。攀援藤葛,乃得至上。各啖数枚,而饥止体充。复下山,持杯取水,欲盥漱。见芜菁叶从山腹流出,甚鲜新,复一杯流出,有胡麻饭糁。相谓曰:"此必去人径不远。"便共没水,逆流二三里,得度山,出一大溪。

溪边有二女子,姿质妙绝,见二人持杯出,便笑曰:"刘阮二郎,捉向所失流杯来。"晨肇既不识之,缘二女便呼其姓,如似有旧,乃相见欣喜。问:"来何晚耶?"因邀还家。其家筒瓦屋。南壁及东壁下各有一大床,皆施绛罗帐,帐角悬铃,金银交错。床头各有十侍婢。敕云:"刘阮二郎,经涉山岨,向虽得琼实,犹尚虚弊,可速作食。"食胡麻饭、山羊脯、牛肉,甚甘美。食毕,行酒。有一群女来,各持五三桃子,笑而言:"贺汝婿来。"酒酣作乐,刘阮欣怖交并。至幕,令各就一帐宿,女往就之,言声清婉,令人忘忧。

十日后,欲求还去,女云:"君已来是,宿福所牵,何复欲还耶?"遂停半年。气候草木是春时,百鸟啼鸣,更怀悲思,求归甚苦。女曰:"罪牵君,当可如何?"遂呼前来女子,有三四十人,集会奏乐,共送刘阮,指示还路。

既出, 亲旧零落, 邑屋改异, 无复相识。问讯得七世孙, 传闻上世入山, 迷不得归。至晋太元八年, 忽复去, 不知何所。

(《幽明灵》)

卖粉儿

有人家甚富,止有一男,宠恣过常。游市,见一女子美丽,卖胡粉,爱之,无由自达,乃托买粉,日往市,得粉便去,初无所言。积渐久,女深疑之,明日复来,问曰:"君买此粉,将欲何施?"曰:"意相爱乐,不敢自达,然恒欲相见,故假此以观姿耳!"女怅然有感,遂相许以私,克以明旦。其夜,安寝堂屋,以俟女来,薄暮果到,男不胜其悦,把臂曰:"宿愿始伸于此!"欢踊遂死。女惶惧,不知所以,因循去,明还粉店。至食时,父母怪男不起,往视已死矣。当就殡敛,发箧笥中,见百余裹胡粉,大小一积。其母曰:"杀吾儿者,必此粉也。"入市遍买胡粉,次此女,比之,手迹如先,遂执问女曰:"何杀我儿?"女闻呜咽,具以实陈。父母不信,遂以诉官。女曰:"妾岂复吝死?乞一临尸尽哀!"县令许焉。径往抚之恸哭曰: "不幸致此,若死魂而灵,复何恨哉?"男豁然更生,具说情状,遂为夫妇,子孙繁茂。

(《幽明灵》)

新死鬼

有新死鬼,形疲瘦顿。忽见生时友人,死及二十年,肥健,相问讯,曰:"卿那尔?"曰:"吾饥饿殆不自任,卿知诸方便,故当以请见教。"友鬼云:"此甚易耳。但为人作怪,人必大怖,当与卿食。"

新鬼往人大墟东头,有一家奉佛精进,屋西厢有磨,鬼就捱此磨,如人推法。此家主语子弟曰:"佛怜我家贫,令鬼推磨。" 乃辇麦与之。至夕,磨数斛,疲顿乃去。遂骂友鬼:"卿那诳我?" 又曰:"但复去,自当得也。"

复从墟西头人一家,家奉道,门旁有碓,此鬼便上碓如人春状。此人曰:"昨日鬼助某甲,今复来助吾,可辇谷与之。"又给婢簸筛。至夕,力疲甚。不与鬼食。鬼暮归,大怒曰:"我自与卿为婚姻非他比,如何见欺?二日助人,不得一瓯饮食。"友鬼曰:"卿自不偶耳!此二家奉佛事道,情自难动。今去可觅百姓家作怪,则无不得。"

鬼得去,得一家,门首有竹竿。从门入,见有一群女子,窗前共食。至庭中,有一白狗,便抱令空中行。其家见之大惊,言自来未有此怪。古云:"有客索食,可杀狗,并甘果酒饭,于庭中祀之,可得无他。"其家如师言,鬼果大得食。此后恒作怪,友鬼之教也。

(《幽明灵》)

周处

周处年少时,凶强侠气,为乡里所患,又义兴水中有蛟,山中有遭迹虎,并皆暴犯百姓,义兴人谓为"三横",而处尤剧。或说处杀虎斩蛟,实冀三横唯余其一。处即刺杀虎。又入水击蛟,蛟或沉或没,行数十里,处与之俱,经三日三夜,——乡里皆谓己死,更相庆——竟杀蛟而出。闻里人相庆,始知为人情所患,有自改意。乃自吴寻二陆。平原不在,正见清河,具以情告,并云:"欲自修改,而年已蹉跎,终无所成。"清河曰:"古人贵朝闻夕死,况君前途尚可。且人患志之不立,何忧令名不彰耶!"处遂改励,终为忠臣孝子。

(《世说新语》)

徐铁臼

宋东海徐甲,前妻许多,生一男,名铁臼,而许氏亡。甲改娶陈氏。陈氏凶虐,志灭铁臼。陈氏产一男,生前咒之曰:"汝若不除铁臼,非吾子也。"因名之曰铁杵,欲以杵捣铁臼也。于是捶打铁臼,备诸苦毒,饥不给食,寒不加絮。甲性闇弱,又多不在舍。后妻恣意行其暴酷,铁臼竟以冻饿被杖而死。时年十六。

亡后旬余, 鬼忽还家, 登陈床曰:"我铁臼也, 实无片罪, 横

见残害。我母诉怨于天,今得天曹符来取铁杵,当令铁杵疾病,与我遭苦时同。将去自有期日,我今停此待之。"声如生时,家人宾客不见其形,皆闻其语。于是桓在屋梁上住。

陈氏跪谢搏颊,为设祭奠。鬼云:"不须如此。饿我令死,岂是一餐所能酬谢!"陈夜中窃语道之。鬼厉声曰:"何敢道我?我当断汝屋栋。"便闻锯声,屑亦随落;拉然有响,如栋实崩。举家走出,柄烛照之,亦了无异。鬼又骂铁杵曰:"汝既杀我,安坐宅上,以为快也?当烧汝屋。"即见火燃,烟焰大猛,内外狼狈,俄尔自灭,茅茨俨然,不见亏损。日日骂詈,时复歌云:

桃李花,严霜落奈何! 桃李子,严霜落早已! 声甚伤切,似 是自悼不得长成也。

于时铁杵六岁,鬼至便病,体痛腹大,上气妨食。鬼屡打之, 打处青黶。月余而死,鬼便寂然无闻。

(《冤魂志》)

阳羡书生

东晋阳羡许彦,于绥安山行,遇一书生,年十七八,卧路侧, 云脚痛,求寄鹅笼中。彦以为戏言。书生便入笼,笼亦不更广, 书生亦不更小,宛然与双鹅并坐,鹅亦不惊。彦负笼而去,都不 觉重。

前息树下, 书生乃出笼, 谓彦曰:"欲为君薄设。"彦曰:"甚

善。"乃口中吐出一铜盘奁子,奁了中具诸馔肴,海陆珍羞方丈。 其器皿皆铜物。气味芳美,世所罕见。酒数行,乃谓彦曰:"向将 一妇人自随,今欲暂邀之。"彦曰:"甚善。"又于口中吐一女子, 年可十五六,衣服丽绮,容貌绝伦。共坐宴。

俄而书生醉卧,此女谓彦曰:"虽与书生结妻,而实怀外心。 向亦窃将一男子同来,书生既眠,暂唤之,愿君勿言。"彦曰:"甚善。"女子于口中吐出一男子。年可二十三四,亦颖悟可爱。仍与 彦叙寒温。书生卧欲觉。女子口吐一锦行障。书生仍留女子共卧。

男子谓彦曰:"此女子虽有情,心亦不尽向,复窃将女人同行。 今欲暂见之,愿君勿泄言。"彦曰:"善。"男子又于口中吐一女子, 年二十许。共宴酌,戏调甚久,闻书生动声,男曰:"二人眠已觉。" 因取所吐女人,还纳口中。

须臾,书生处女子乃出,谓彦曰:"书生欲起。"更吞向男子,独对彦坐。书生然后谓彦曰:"暂眠遂久,君独坐当悒悒耶?日又晚,便与君别。"还复吞此女子,诸铜器悉纳口中。留大铜盘,可广二尺余,与彦别曰:"无以藉君,与君相忆也。"

后太元中, 彦为兰台令史, 以盘饷侍中张散。散看其铭, 题 云, 是汉水平三年所作也。

(《续齐谐记》)

周秦行纪

余贞元中举进士落第, 归宛叶间。至伊阙南道鸣臬山下, 将 宿大安民舍。会暮,失道,不至。更十余里,行一道,甚易。夜 月始出, 忽闻有异香气, 因趋进行, 不知近远。见火明, 意谓庄 家。更前驱,至一大宅。门庭若富豪家。有黄衣阍人曰:"郎君何 至?"余答曰:"僧孺,姓牛,应进士落第往家。本往大安民舍, 误道来此。直乞宿, 无他。"中有小髻青衣出, 责黄衣曰:"门外 谁何?"黄衣曰:"有客。"黄衣入告,少时,出曰:"请郎君入。" 余问谁氏宅。黄衣曰:"第进,无须问。"入十余门,至大殿。殿 蔽以珠廉,有朱衣紫衣人百数,立阶陛间。左右曰:"拜殿下。" 帘中语曰: "妾汉文帝母薄太后。此是庙,郎不当来。何辱至?" 余曰: "臣家宛下,将归,失道。恐死豺虎,敢托命乞宿。太后幸 听受。"太后遣轴帘,避席曰: "妾故汉文君母,君唐朝名士, 不相君臣,幸希简敬,便上殿来见。"太后着练衣,状貌瑰伟,不 其妆饰。劳余曰:"行役无苦乎?"召坐。食顷间,殿内庖厨声。 太后曰: "今夜风月甚佳,偶有二女伴相寻。况又遇嘉宾,不可不 成一会。"呼左右"屈两个娘子出见秀才"。良久,有女二人从中 至,从者数百。前立者一人,狭腰长面,多发不妆,衣青衣,仅 可二十余。太后曰:"此高祖戚夫人。"余下拜,夫人亦拜。更有 一人, 园题柔脸稳身, 貌舒态逸, 光采射远近, 时时好髌, 多服 花绣, 年低薄后。后顾指曰:"此元帝王嫱。"余拜如戚夫人, 王 嫱复拜。各就坐。坐定,太后使紫衣中贵人曰: "迎杨家潘家

来。"久之,空中见五色云下,闻笑语声寝近。太后曰:"杨潘至 矣。"忽车音马迹相杂,罗绮焕耀,旁视不给。有二女子从云中下, 余起立于侧, 见前一人纤腰身修, 容, 甚闲暇, 衣黄衣, 冠玉冠, 年三十以来。太后顾指曰:"此是唐朝太真妃子。"予即伏谒,肃 拜如臣礼。太真曰:"妾得罪先帝。 (先帝谓肃宗也)皇朝不置 妾在后妃数中。设此礼,岂不虚乎?不敢受。"却答拜。更一人厚 肌敏视,身小,材质洁白,齿极卑,被宽埔衣。太后顾而指曰:"此 齐潘淑妃。"余拜如王昭君,妃复拜。既而太后命进馔。少时,馔 至, 芳洁万端, 皆不得名字。粗欲之腹, 不能足食。已, 更具酒。 其器尽宝玉。太后语太真曰:"何久不来相看?"太真谨容对曰: "三郎(天宝中,宫人呼玄宗多曰三郎)数幸华清官,扈从不暇 至。"太后又谓潘妃曰: "子亦不来,何也。"潘妃匿笑不禁, 不成对。太真乃视潘妃而对曰:"潘妃向玉奴 (太真名也)说, 懊恼车昏侯疏狂,终日出猪,故不得时谒耳。"太后问余:"今天 子为谁?"余对曰:"今皇帝名适,代宗皇帝长子。"太真笑曰:"沈 婆儿作天子也,大奇!"太后曰:"何如主?"余对曰:"小臣不足 以知君德。"太后曰:"然无嫌,但言之。"余曰:"民间传英明圣 武。"太后首肯三四。太后命进酒加乐,乐妓皆年少女子。酒环行 数周, 乐亦随辍。太后请戚夫人鼓琴, 夫人约指以玉环, 光照于 手 (南京杂记云: 高祖与夫人百炼金环,照见指骨也)。引琴而 鼓,声甚怨。太后曰:"牛秀才邂逅逆旅到此,诸娘子又偶相访, 今无以尽平生欢。牛秀才固才士。盍各赋诗言志,不亦善乎?" 遂各授与笺笔,逡巡诗成。太后诗曰:"月寝花宫得奉君,至今犹

愧管夫人。汉家旧日笙歌地,烟草几经秋又春。"王嫱诗曰:"雪 裹穹庐不见春, 汉衣虽旧泪长新。如今犹恨毛延寿, 受把丹青错 画人。"戚夫人诗曰:"自别汉宫休楚舞,不能妆粉恨君王。无金 岂得迎商叟, 吕氏何曾畏木疆。"太真诗曰:"金钗堕地别君王, 红泪流珠满御床。云雨马嵬分散后,骊宫无复听霓裳。"潘妃诗曰: "秋月春风几度归,江山犹是邺宫非。东昏旧作莲花地,空想曾 拖金缕衣。"再三趣余作诗。余不得辞,遂应教作诗曰:"香风引 到大罗天, 月地云阶拜洞仙。共道人间惆怅事, 不知今夕是何年。" 别有善笛女子, 短鬟, 衫吴带, 貌甚美, 多媚, 潘妃偕来。太后 以接坐居之,时今吹笛,往往亦及酒。太后顾而谓曰:"识此否? 石家绿珠也。潘妃养作妹,故潘妃与俱来。"太后因曰:"绿珠岂 能无诗乎?"绿珠拜谢,作诗曰:"此地原非昔日人,笛声空怨赵 王伦。红残绿碎花枝下,金谷千年更不春。"诗毕,酒既至。太后 曰: "牛秀才远来, 今夕谁人与伴?" 戚夫人先起辞曰: "如意儿 长成,固不可。且不官如此。况实为非乎?"潘妃辞曰:"东昏以 玉儿(妃名)身死国除,玉儿不似负他。"绿珠辞曰:"石卫尉性 严忌,今有死,不可及乱。"太后曰:"太真今朝先帝贵妃,不可 言其他。"乃顾谓王嫱曰:"昭君始嫁呼韩单于,复为株累若鞮单 于妇,固自用。且苦寒地胡鬼何能为?昭君幸无辞。"昭君不对, 低眉羞恨。俄各归休。余为左右送入昭君院。会将旦,侍人告起 得也。昭君泣以持别。忽闻外有太后命,余遂出见太后。太后曰: "此非郎君久留地,官亟远。便别矣。幸无忘向来欢。"更索酒。 酒再行,戚夫人潘妃绿珠皆泣下,竟辞去。太后使朱衣人送往大 安,抵西道,旋失使人所在,时始明矣。余就大安里,问其里人。

里人云:"去此十余里有薄后庙。"余却四望庙宇,荒毁不可人。 非向者所见矣。余衣上香经十余日不歇,竟不知其如何。

(《玄怪录》)

裴少尹

唐贞元中,江陵少尹裴君者,亡其名。有子十余岁,聪敏有文学,风貌明秀,裴君深念之。后被病,旬日益甚。医药无及,裴君方求道术士,用呵禁之,冀瘳其苦。

有叩门者,自称高氏子,以符术为业,裴即延人,令视其子。生曰:"此子非他疾,乃妖狐所为耳,然某有术能愈之。"即谢而祈焉。生遂以符术考召。近食顷,其子忽起曰:"某病今愈。"裴君大喜,谓高生为真术士,具食饮,已而厚赠缗帛谢遣之。生曰:"自此当日日来候耳。"遂去。其子他疾虽愈,而神魂不足,往往狂语,或笑哭不可禁。高生每至,裴君即以此祈之。生曰:"此子精魂已为妖魅所击,今尚未还耳。不旬日,当间,幸无以忧。"裴信之。

居数日,又有王生者,自言有神答,能以呵禁除去妖魅疾。 来谒裴与语,谓裴曰:"闻君爱子被病,且未瘳,愿得一见矣。" 裴即使见其子。生大惊曰:"此郎君病狐也,不速治,当加甚耳。" 裴君因话高生。王笑曰:"安知高生不为狐?"乃坐,方设席为呵禁,高生忽至,既入,大骂曰:"奈何此子病愈,乃延一狐于室内 耶?即为病者耳!"王见高来,又骂曰:"果然妖狐,今果至,安用为他术考召哉?"二人纷然相诟辱不已。

裴氏家方大骇异,忽有一道士至门,私谓家僮曰:"闻裴公有子病狐,吾善视鬼,汝但告请人谒。"家僮驰白,裴君出话其事。道士曰:"易与耳。"人见二人,二人又诟曰:"此亦妖狐,安得为道士惑人?"道士亦骂之曰:"狐当还郊野墟墓中,何为挠人乎?既而闭户相斗殴。数食顷,裴君益恐,其家僮惶惑,计无所出。

及暮,阒然不闻声, 开视, 三狐皆仆地而喘, 不能动矣。裴 君尽鞭杀之, 其子后旬月乃愈矣。

(《宣室志》)

游仙窟

若夫积石山者,在乎金城西南,河所经也。书云:"导河积石,至于龙门。"即此山是也。仆从汧陇,奉使河源。嗟命运之迍邅,叹乡关之眇邈。张骞古迹,十万里之波涛;伯禹遗踪,二千年之坂隥。深谷带地,凿穿崖岸之形;高岭横天,刀削岚峦之势。烟霞子细,泉石分明,实天上之灵奇,乃人间之妙绝。目所不见,耳所不闻。日晚途遥,马疲人乏。行至一所,险峻非常:向上则有青壁万寻,直下则有碧潭千仞。古老相传云:"此是神仙窟也;人迹罕及,鸟路才通。每有香果琼枝,天衣锡钵,自然浮出,不知从何而至。"余乃端仰一心,洁齐三日。缘细葛,溯轻舟。身体

若飞,精灵似梦。须臾之间,忽至松柏岩,桃华涧,香风触地, 光彩遍天。见一女子向水侧浣衣,余乃问曰:"承闻此处有神仙之 窟宅,故来祗候。山川阻隔,疲顿异常,欲投娘子,片时停歇; 赐惠交情,幸垂听许。"女子答曰:"儿家堂舍贱陋,供给单疏, 只恐不堪,终无吝惜。"余答曰:"下官是客,触事卑微,但避风 尘,则为幸甚。"遂止余于门侧草亭中,良久乃出。余问曰:"此 谁家舍也?"女子答曰:"此是崔女郎之舍耳。"余问曰:"崔女郎 何人也?"女子答曰:"博陵王之苗裔,清河公之旧族。容貌似舅, 潘安仁之外甥;气调如兄,崔季珪之小妹。华容婀娜,天上无俦; 玉体逶迤,人间少匹。辉辉面子。荏苒畏弹穿;细细腰支,参差 疑勒断。韩娥宋玉,见则愁生;绛树青琴,对之羞死。千娇百媚, 造次无可比方,弱体轻身,谈之不能备尽。"须臾之间,忽闻内里 调筝之声,仆因咏曰:

自隐多姿则,欺他独自眠。故故将纤手,时时弄小弦。 耳闻犹气绝,眼见若为怜。从渠痛不肯,人更别求天。 片时,遣婢桂心传语,报余诗曰:

> 面非他舍面,心是自家心; 何处关天事,辛苦漫追寻!

余读诗讫,举头门中,忽见十娘半面,余即咏曰:

敛笑偷残靥,含羞露半唇;

一眉犹叵耐, 双眼定伤人。

又遣婢桂心报余诗曰:

好是他家好,人非着意人;

何须漫相弄, 几许费精神。

于是夜久更深, 沉吟不睡, 彷徨徒倚, 无便披陈。彼诚既有 来意,此间何能不答!遂申怀抱,因以赠书曰:"余以少娱声色, 早慕佳期, 历访风流, 遍游天下。弹鹤琴于蜀郡, 饱见文君; 吹 风管干秦楼, 熟看弄玉。虽复赠兰解珮, 未甚关怀: 合卺横陈。 何曾惬意! 昔日双眠, 恒嫌夜短: 今宵独卧, 实怨更长。一种天 公,两般时节。遥闻香气,独伤韩寿之心:近听琴声,似对文君 之面。向来见桂心谈说十娘,天上无双,人间有一。依依弱柳, 束作腰支: 焰焰横波, 翻成眼尾。才舒两颊, 执疑地上无华: 乍 出双眉,渐觉天边失月。能使西施掩面,百遍烧妆;南国伤心, 千回扑镜。洛川回雪,只堪使叠衣裳;巫峡仙云,未敢为擎靴履。 忿秋胡之眼拙, 枉费黄金: 念交甫之心狂, 虚当白玉。下官寓游 胜境, 旅泊亲亭, 忽遇神仙, 不胜迷乱。芙蓉生于涧底, 莲子实 深:木栖出于山头,相思日远。未曾饮炭,肠热如烧:不忆吞刃, 腹穿似割。无情明月,故故临窗, 多事春风,时时动帐。愁人对 此,将何自堪!空悬欲断之肠,请救临终之命。元来不见,他自 寻常:无故相逢,却交烦恼。敢陈心素,幸愿照知!若得见其光 仪,岂敢论其万一!"书达之后。十娘敛色谓桂心曰:"向来剧戏 相弄,真成欲逼人。"余更又赠诗一首,其词曰:

今朝忽见渠姿首,不觉殷勤着心口;令人频作许叮咛,渠家 太剧难求守。端坐剩心惊,愁来益不平,看时未必相看死,难时 那许太难生。沉吟坐幽室,相思转成疾。自恨往还疏,谁肯交游 密!夜夜空知心失眼,朝朝无便投胶漆。袁里华开不避人,闺中 面子翻羞出。如今寸步阻天津,伊处留心更觅新。莫言长有千金 面,终归变作一抄尘。生前有日但为乐,死后无春更著人。只可倡佯一生意,何须负持百年身?少时,坐睡,则梦见十娘;惊觉搅之,忽然空手。心中怅怏,复何可论!余因乃咏曰:

梦中疑是实,觉后忽非真。 诚知肠欲断,穷鬼故调人。

十娘见诗,并不肯读,即欲烧却。余即咏曰: 未必由诗得,将诗故表怜。 闻渠掷入火,定是欲相燃。

十娘读诗,悚息而起。匣中取镜,箱裹拈衣。袨服靓妆,当阶正履。余又为诗曰:

薰香四面合,光色两边披。锦障划然卷,罗帷垂半敧。红颜 杂绿黛,无处不相官。

艳色浮妆粉,含香乱口脂。鬓欺蝉鬓非成鬓,眉笑峨眉不是眉。见许实娉婷,何处不轻盈!

可怜娇里面,可爱语中声。婀娜腰支细细许,赚 眼子长长馨。巧儿旧来镌未得,画匠迎生摸不成。相看未相识,倾城复倾国。迎风帔子郁金香,照日裙裾石榴色。口上珊瑚耐拾取,颊里芙蓉堪摘得,闻名腹肚已猖狂,见面精神更迷惑。心肝恰欲摧,踊跃不能裁。徐行步步香风散,欲语时时媚子开。靥疑织女留星去,眉似姮娥送月来。含娇窈窕迎前出,忍笑 娱返却回。余遂止之曰:"既有好意,何须却人!"然后逶迤回面,娅姹向前。十娘敛手而再拜向下官,下官亦低头尽礼而言曰:"向见称扬,谓言虚假,谁知对面,恰是神仙。此是神仙窟也。"十娘曰:"向见诗

篇,谓非凡俗,今逢玉貌,更胜文章。此是文章窟也。"仆因问曰: "主人姓望何处? 夫主何在?"十娘答曰:"儿是清河崔公之末孙, 适弘农杨府君之长子。就成大礼,随父住于河西。蜀生狡猾,屡 侵边境。兄及夫主,弃笔从戎,身死寇场,茕魂莫返。儿年十七, 死守一夫:嫂年十九,誓不再醮。兄即清河崔公之第五息,嫂即 太原公之第三女。别宅于此,积有岁年。室宇荒凉,家途翦弊。 不知上客从何而至?"仆敛容而答曰:"下官望属南阳,住居西鄂。 得黄石之灵术,控白水之余波。在汉则七叶貂蝉,居韩则五重卿 相。鸣钟食鼎,积代衣缨:长戟高门,因循礼乐。下官堂构不绍, 家业沦胥。青州刺史博望侯之孙。广武将军巨鹿侯之子。不能免 俗,沉迹下寮。非隐非遁,逍遥鹏鷃之间:非吏非俗,出入是非 之境。暂因驱使,至于此间。卒尔乾烦,实为倾仰。"十娘问曰: "上客见任何官?"下官答曰:"幸属太平,耻居贫贱。前被宾贡, 已入甲科:后属搜扬,又蒙高第。奉 授关内道寮,不遑宁 外。"十娘曰: "少府不因行使,岂肯相顾?"下官答曰:"比 不相知, 阙为参展, 今日之后, 不敢差违。" 十娘遂回头唤桂心曰: "料理中堂,将少府安置。"下官逡巡而谢曰:"远客卑微,此间 幸甚。才非贾谊,岂敢升堂!"十娘答曰: "向者承闻,谓言凡 客; 拙为礼贶, 深觉面惭。儿意相当, 事须引接。此间疏陋, 未 免风尘。入室不合推辞,升堂何须进退!"遂引入中堂。于时金台 银阙, 蔽日干云。或似铜雀之新开, 乍如灵光之且敞。梅梁桂栋, 疑饮涧之长虹: 反字雕甍, 若排天之矫凤。水精浮柱, 的 含星: 云母饰窗, 玲珑映 日。长廊四注, 争施玳瑁之椽; 高阁三重, 悉用琉璃之瓦。白银为壁,照曜于鱼鳞;碧玉缘阶,参差于雁齿。

入穹崇之室宇,步步心惊;见傥阆之门庭,看看眼碜。遂引少府 升阶。下官答曰:"客主之间,岂无先后?"十娘曰: "男女之 礼,自有尊卑。"下官迁延而退曰:"向来有罪过,忘不通五嫂。" 十娘曰:"五嫂亦应自来,少府遣通,亦是周匝。"则遣桂心通, 暂参屈五嫂。十娘共少府语话,须臾之间,五嫂则至。罗绮缤纷, 丹青■晔。裙前麝散,髻后龙盘。珠绳络翠衫,金薄涂丹履。余 乃咏曰:

奇异妍雅,貌特惊新。眉间月出疑争夜,颊上华开似斗春。 细腰偏爱转,笑脸特宜嚬。真成物外奇稀物,实是人间断绝人。 自然能举止,可念无比方。能令公子百重生,巧使王孙千回死。 黑云栽两鬓,白雪分双齿。织成锦袖麒麟儿,刺绣裙腰鹦鹉子。 触处尽开怀,何曾有不佳!机关太雅妙,行步绝娃。傍人一一 丹罗袜,侍婢三三绿线鞋。黄龙透入黄金钏,白燕飞来白玉钗。

相见既毕,五嫂曰:"少府跋涉山川,深疲道路,行途届此,不及伤神。"下官答曰:"黾勉王事,岂敢辞劳!"五嫂回头笑向十娘曰:"朝闻鸟鹊语,真成好客来。"下官曰:"昨夜眼皮瞤,今朝见好人。"即相随上堂。珠玉惊心,金银曜眼。五彩龙须席,银绣绿边毡;八尺象牙床,绯绫帖荐褥。车渠等宝,俱映优昙之花;玛瑙真珠,并贯颇梨之线。文柏榻子,俱写豹头;兰草灯心,并烧鱼脑。管弦寥亮,分张北户之间;杯盏交横,列坐南窗之下。各自相让,俱不肯先坐。仆曰:"十娘主人,下官是客。请主人先坐。"五嫂为人饶剧。掩口而笑曰:"娘子既是主人母,少府须作主人公。"下官曰: "仆是何人,敢当此事!"十娘曰:"五嫂向

来戏语,少府何须漫怕!"下官答曰:"必其不免,只须身当。"五 嫂笑曰:"只恐张郎不能禁此事。"众人皆大笑。一时俱坐。即唤 香儿取酒。俄尔中间,擎一大钵,可受三升已来,金钗铜钚:金 盏银杯, 江螺海蚌: 竹根细眼, 树瘿蝎唇: 九曲酒池, 十盛饮器: 觞则兕觥犀角, 尫尫然置于座中, 杓则鹅项鸭头, 泛泛焉浮于酒 上。遣小婢细辛酌酒,并不肯先提。五嫂曰:"张郎门下贱客,必 不肯先提。娘子径须把取。"十娘则斜眼佯嗔曰:"少府初到此间, 五嫂会些频频相弄!"五嫂曰:"娘子把酒莫嗔,新妇更亦不敢。" 酒巡到下官, 饮乃不尽。五嫂曰:"胡为不尽?"下官答曰:"性 饮不多, 恐为颠沛。" 五嫂骂曰:"何由叵耐! 女婿是妇家狗。打 杀无文;终须倾使尽,莫漫造众诸!"十娘谓五嫂曰:"向来正首 病发耶?"五嫂起谢曰:"新妇错大罪过。"因回头熟视下官曰:"新 妇细见大多矣, 无如少府公者: 少府公乃是仙才, 本非凡俗。"下 官起谢曰:"昔卓王之女,闻琴识相如之器量;山涛之妻,凿壁知 阮籍为贤人,诚如所言,不敢望德。"十娘曰:"遣绿竹取琵琶弹, 儿与少府公送酒。"琵琶入手,未弹中间,仆乃咏曰:"心虚不可 测,眼细强关情:回身已入抱,不见有娇声。"十娘应声即咏曰:

怜肠忽欲断, 忆眼已先开;

渠未相撩拨,娇从何处来?

下官当见此诗,心胆俱碎。下床起谢曰:"向来唯睹十娘面,如今始见十娘心;足使班婕好扶轮,曹大家阁笔,岂可同年而语, 共代而论哉!"请索笔砚,抄写置于怀袖。抄诗讫,十娘弄曰:"少 府公非但词句妙绝,亦自能书;笔似青鸾,人同白鹤。"下官曰: "十娘非直才情,实能吟咏;谁知玉貌,恰有金声。"十娘曰:"儿 近来患嗽,声音不彻。"下官答曰:"仆近来患手,笔墨未调。"五嫂笑曰:"娘子不是故夸,张郎复能应答。"十娘来语五嫂曰:"向来纯当漫剧,元来无次第,请五嫂当作酒章。"五嫂答曰:"奉命不敢,则从娘子;不是赋古诗云,断章取意,唯须得情,若不惬当,罪有科罚。"十娘即遵命曰:"关关睢鸠,在河之洲;窈窕淑女,君子好逑。"次,下官曰:"南有樛木,不可休息,汉有游女,不可求思。"五嫂曰:"折薪如之何?匪斧不剋。娶妻如之何?匪媒不得。"又次,五嫂曰:"折薪如之何?匪斧不剋。娶妻如之何?匪媒不得。"又次,五嫂曰:"不见复关,泣涕涟涟;及见复关,载笑载言。"次,十娘曰:"女也不爽。十二其行,士也罔极,二三其德。"次,下官曰:"谷则异室,死则同穴;谓余不信,有如暾日。"五嫂笑曰:"张郎心专,赋诗大有道理。俗谚曰:'心欲专,凿石穿。'诚能思之,何远之有!"其时,绿竹弹筝。五嫂咏筝曰:

天生素面能留客,发意并情关在渠; 莫怪向者频声战,良由得伴乍心虚。

十娘曰:"五嫂咏筝,儿咏尺八:

眼多本自令渠爱,口少元来每被侵; 无事风声彻他耳,教人气满自填心。

下官又谢曰:"尽善尽美,无处不佳;此是下愚,预闻高唱。"少时,桂心将下酒物来:东海鲻条,西山凤脯;鹿尾鹿舌,乾鱼炙鱼;雁醢荇葅,鹑鹤桂糁;熊掌兔髀,雉臎豺唇;百味王辛,谈之不能尽,说之不能穷。十娘曰: "少府亦应太饥。"唤桂心盛饭。下官曰:"向来眼饱,不觉身饥。"十娘笑曰:"莫相弄!且

取双六局来,共少府公赌酒。"仆答曰:"下官不能赌酒,共娘子赌宿。"十娘问曰:"若为赌宿?"余答曰:"十娘输筹,则共下官卧一宿;下官输筹,则共十娘卧一宿。"十娘笑曰:"汉骑驴则胡步行,胡步行则汉骑驴;总悉输他便黠。儿递换作,少府公太能生。"五嫂曰:"新妇报娘子:不须赌来赌去,今夜定知娘子不免。"十娘曰:"五嫂时时漫语:浪与少府作消息。"下官起谢曰:"元来知剧,未敢承望。"局至。十娘引手向前,眼子盱䁖,手子腽瞃;一双臂腕,切我肝肠;十个指头,刺人心髓。下官因咏局曰:

眼似星初转,眉如月欲消。

行须捺后脚, 然后勒前腰。

十娘则咏曰:

勒腰须巧快,捺脚更风流。 但令细眼合,人自分输筹。

须臾之间,有一婢名琴心,亦有姿首,到下官处,时复偷眼看;十娘欲似不快。五嫂大语嗔曰:"知足不辱,人生有好。娘子欲似皱眉,张郎不须斜眼。"十娘佯作色嗔曰:"少府关儿何事,五嫂频频相恼!"五嫂曰:"娘子向来频盼少府,若非情想有所交通,何因眼脉朝来顿引?"十娘曰:"五嫂自隐心偏,儿复何曾眼引!"五嫂曰:"娘子不能,新妇自取。"十娘答曰:"自问少府,

儿亦不知。"五嫂遂咏曰:

新花发两树,分香遍一林; 迎风转细影,向日动轻阴。 戏蜂时隐见,飞蝶远追寻,

承闻欲采摘,若个动君心?

下官谓:"为性贪多,欲两花俱采。"五嫂答曰:"暂游双树下, 遥见两枝芳: 向日俱翻影,迎风并散香。戏蝶扶丹萼,游蜂入紫 房:人今总摘取,各著一边厢。"五嫂曰:"张郎太贪生,一箭射 两朵。"十娘则谓曰:"遮三不得一,觅两都卢失。"五嫂曰:"娘 子莫分疏, 兔入狗突里, 知复欲何如!"下官即起谢曰:"乞浆得 酒,旧来伸口,打兔得鹿,非意所望。"十娘曰:"五嫂如许大人, 专似调合此事。少府谓言儿是九泉下人,明日在外处,谈道儿一 钱不直。"下官答曰:"向来承颜色,神气顿尽:又见清谈,心胆 俱碎。岂敢在外谈说,妄事加诸?忝预人流,宁容如此!伏愿欢 乐尽情,死无所恨。"少时,饮食俱到。薰香满室,赤白兼前:穷 海陆之珍羞;备川原之果菜;肉则龙肝凤髓;酒则玉醴琼浆;城 南雀噪之禾: 江上蝉鸣之稻: 鸡 雉臛: 觜醢鹑羹: 椹下肥肫: 荷间细鲤:鹅子鸭卵,照曜于银盘;麟脯豹胎,纷纶于玉叠;熊 腥纯白: 蟹酱纯黄: 鲜鲙共红缕争辉: 冷肝与青丝乱色: 蒲桃甘 蔗: 栗枣石榴: 河东紫盐: 岭南丹橘: 敦煌八子柰: 青门五色瓜: 太谷张公之梨:房陵朱仲之李:东王公之仙桂:西王母之神桃: 南燕牛乳之椒: 北赵鸡心之枣: 千名万种, 不可具论。下官起谢 曰:"予与夫人娘子,本不相识,暂缘公使,邂逅相遇。玉馔珍奇, 非常厚重,粉身灰骨,不能酬谢。"五嫂曰:"亲则不谢,谢则不 亲。幸愿张郎,莫为形迹。"下官答曰: "既奉恩命,不敢辞逊。" 当此之时,气便欲绝,不觉转眼,时复偷看十娘。十娘曰:"少府 莫看儿!"五嫂曰:"还相弄!"下官咏曰:

忽然心里爱,不觉眼中怜。

未关双眼曲, 直是寸心偏。

十娘咏曰:

眼心非一处,心眼旧分离;

直令渠眼见, 谁遣报心知!

下官咏曰:

旧来心使眼,心思眼即传;

由心使眼见,眼亦共心怜。

十娘咏曰:

眼心俱忆念,心眼共追寻;

谁家解事眼,副著可怜心?

于时五嫂遂向果子上作机警曰:"但问意如何,相知不在枣。" 十娘曰: "儿今正意密,不忍即分梨。"下官曰:"勿遇深恩, 一生有杏。"五嫂曰: "当此之时,谁能忍耐。"十娘曰:"暂借 少府刀子割梨。"下官咏刀子曰:

自怜胶漆重,相思意不穷,

可惜尖头物,终日在皮中。

十娘咏鞘曰:

数捺皮应缓, 频磨快转多;

渠今拔出后,空鞘欲如何!

五嫂曰:"向来渐渐入深也。"即索棋局,共少府赌酒。下官得胜。五嫂曰: "围棋出于智慧,张郎亦复太能。"下官曰:"智者千虑,必有一失;愚者千虑,亦有一得。且休却。"五嫂曰:"何为即休?"下官咏曰:

向来知道径,生平不忍欺, 但令守行迹,何用数围棋!

五嫂咏曰:

娘子为性好围棋,逢人剧戏不寻思;

气欲断绝先挑眼, 既得速罢即须迟。

十娘见五嫂频弄, 佯嗔不笑。余咏曰:

千金此处有,一笑待渠为;

不望全露齿,请为暂颦眉。

十娘咏曰:

双眉碎客胆,两眼判君心,

谁能用一笑, 贱价买千金。

当时有一破铜熨斗在于床侧,十娘忽咏曰:

旧来心肚热,无端强熨他,

即今形势冷, 谁肯重相磨!

下官咏曰:

若冷头面在, 生平不熨空,

即今虽冷恶,人自觅残铜。

众人皆笑。十娘唤香儿为少府设乐,金石并奏,箫管间响: 苏合弹琵琶,绿竹吹筚篥,仙人鼓瑟,玉女吹笙。玄鹤俯而听琴, 白鱼跃而应节。清音叨啕,片时则梁上尘飞,雅韵铿锵,卒尔则 天边雪落;一时忘味,孔丘留滞不虚,三日绕梁,韩娥余音是实。 十娘曰:"少府稀来,岂不尽乐,五嫂大能作舞,且劝作一曲。" 亦不辞惮。遂即逶迤而起,婀娜徐行。虫蛆面子,妬杀阳城,蚕 贼容仪,迷伤下蔡。举手顿足,雅合宫商,顾后窥前,深知曲节。欲似蟠龙宛转,野鹄低昂。回面则日照莲花,翻身则风吹弱柳。斜眉盗盼,异种■姑,缓步急行,穷奇造凿。罗衣熠妖,似彩凤之翔云;锦袖纷披,若青鸾之映水。千娇眼子,天上失其流星,一搦腰支,洛浦愧其回雪。光前艳后,难遇难逢;进退去来,希闻希见。两人俱起舞,共劝下官。下官遂作而谢曰: "沧海之中难为水,霹雳之后难为雷;不敢推辞,定为丑拙。"遂起作舞。桂心咥咥然低头而笑。十娘问曰:"笑何事?"桂心曰:"笑儿等能作音声。"十娘曰:"何处有能?"答曰:"若其不能,何因百兽率舞?"下官笑曰: "不是百兽率舞,乃是凤凰来仪。"一时大笑。五嫂谓桂心曰:"莫令曲误!张郎频顾。"桂心曰:"不辞歌者苦,但伤知音稀。"下官曰:"路逢西施,何必须识!"遂舞,著词曰:

从来巡远四边,忽逢两个神仙; 眉上冬天出柳,颊中旱地生莲; 千看千处妩媚,万看万处 妍; 今宵若其不得,剩命过与黄泉。

又一时大笑。舞毕,因谢曰:"仆实庸才,得陪清赏,赐垂音乐,惭荷不胜。"

十娘咏曰:

得意似鸳鸯,情乖若胡越。不向君边尽,更知何处歇!

十娘曰: "儿等并无可收采,少府公去:'冬天出柳,旱地生莲',总是相弄也。"下官答曰: "十娘面上非春,翻生柳叶。"十

娘应声曰:"少府头中有水,那不生莲花?"下官笑曰:"十娘机警,异同著便。"十娘答曰: "得便不能与,明年知有何处。" 于时砚在床头,下官因咏笔砚曰:

摧毛任便点, 爱色转须磨。

所以研难竟,良由水太多。

十娘忽见鸭头铛子, 因咏曰:

嘴长非为嗍,项曲不由攀。

但令脚盲上,他自眼双翻。

五嫂曰:"向来大大不逊,渐渐深入也。"于时乃有双燕子,梁间相逐飞。

仆因咏曰:

双燕子, 联翩几万回。

强知人是客,方便恼他来。

十娘咏曰:

双燕子, 可可事事风流。

即令人得伴, 更亦不相求。

酒巡到十娘,下官咏酒杓子曰:

尾动惟须急,头低则不平。

渠今合把爵,深浅任君情。

十娘咏盏曰:

发初先向口,欲竟渐伸头;

从君中道歇,到底即须休。

下官翕然而起谢曰:"十娘词句,事尽入神;乃是天生,不关

人学。"五嫂曰:"张郎新到,无可散情,且游后园,暂适怀抱。" 其时园内:杂果万株,含青吐绿;丛花四照,散紫翻红。激石鸣泉,疏岩凿磴。无冬无夏,娇莺乱于锦枝;非古非今,花鲂跃于银池。婀娜蓊茸,清冷 ;鹅鸭分飞,芙蓉间出;大竹小竹,夸渭南之千亩;花合花开,笑河阳之一县;青青岸柳,丝条拂于武昌;赫赫山杨,箭于稠于董泽。余乃咏花曰:

风吹遍树紫,日照满池丹。 若为交暂折, 擎就掌中看。

十娘咏曰:

映水俱知笑,成蹊竟不言。 即今无自在,高下任渠攀。

下官即起谢曰:"君子不出游言,意言不胜再;娘子恩深,请五嫂等各制一篇。"下官咏曰:

昔时过小苑, 今朝戏后园。 两岁梅花匝, 三春柳色繁; 水明鱼影静, 林翠鸟歌喧; 何须杏树岭, 即是桃花源。

十娘咏曰:

梅蹊命道士,桃涧宁神仙。 旧鱼成大剑,新龟类小钱; 水湄唯见柳,池曲且生莲; 欲知赏心处,桃花落眼前。

五嫂咏曰:

极目游芳苑, 相将对花林。

露净山光出,池鲜树影沉;

落花时泛酒, 歌鸟惑鸣琴;

是时日将夕, 携樽就树阴。

当时,树上忽有一李子落下官怀中。下官咏曰:

问李树: 如何意不同?

应来主手里,翻入客怀中?

五嫂即报诗曰:

李树子, 元来不是偏。

巧知娘子意,掷果到渠边。

于时,忽有一蜂子飞上十娘面上。十娘咏曰:

问蜂子:蜂子太无情,

飞来蹈人面, 欲似意相轻?

下官代蜂子答曰:

触处寻芳树, 都卢少物华。

试从香处觅,正值可怜花。

众人皆拊掌而笑。其时,园中忽有一雉,下官命弓箭射之, 应弦而倒。五嫂笑曰:"张郎才器,乃是曹植天然,今见武功,又 复子南夫也。今共娘子相配,天下惟有两人耳。"十娘因见射雉, 咏曰:

大夫巡麦陇,处子习桑间;

若非由一箭,谁能为解颜。

仆答曰:"心绪恰相当,谁能护短长;一床无两好,半丑亦何妨。"五嫂曰: "张郎射长垛如何?" 仆答曰:"且得不阙事而

已。"遂射之,三发皆绕遮齐,众人称好。十娘咏弓曰:

平生好须弩, 得挽则低头。

闻君把提快,再乞五三筹。

下官答曰:

缩干全不到,抬头则大过。 若令脐下入,百放故筹多。

于时,日落西渊,月临东渚。五嫂曰:"向来调谑,无处不佳, 时既曛黄, 且还房室, 庶张郎共娘子安置。"十娘曰:"人生相见, 且论杯酒,房中小小,何暇忽忽。"遂引少府向十娘卧处:屏风十 二扇, 昼鄣五三张, 两头安彩幔, 四角垂香囊; 槟榔豆蔻子, 苏 合绿沉香,织文安枕席,乱彩叠衣箱:相随入房里,纵横照罗绮, 莲花起镜台,翡翠生金履;帐口银虺装,床头玉狮子,十重蛩駏 毡, 八叠鸳鸯被, 数个袍袴, 异种妖娆: 姿质天生有, 风流本性 饶,红衫窄裹小撷臂,绿袂帖乱细缠腰;时将帛子拂,还投和香 烧: 妍华天性足, 由来能装束: 剑笑正金钗, 含娇累绣缛: 梁家 妄称梳发缓, 京兆何曾昼眉曲。十娘因在后, 沉吟久不来。余问 五嫂曰:"十娘何处去,应有别人邀?"五嫂曰:"女人羞自嫁, 方便待渠招。"言语未毕,十娘则到。仆问曰:"旦来披雾,香处 寻花,忽遇狂风,莲中失藉;十娘何处漫行来?"十娘回头笑曰: "星留织女,遂处人间:月待姮娥,暂归天上。少府何须苦相怪!" 于时两人对坐,未敢相触,夜深情急,透死忘生。仆乃咏曰:

> 千看千意密, 一见一怜深。 但当把手子, 寸斩亦甘心。

十娘敛色却行。五嫂咏曰:

他家解事在,未肯辄相嗔,

径须刚捉著, 遮莫造精神。

余时把著手子,忍心不得。又咏曰:

千思千肠热,一念一心焦;

若为求守得,暂借可怜腰。

十娘又不肯, 余捉手挽, 两人争力, 五嫂咏曰:

巧将衣障口,能用被遮身;

定知心肯在,方便故邀人。

十娘失声成笑,婉转入怀中。当时腹里颠狂,心中沸乱。又咏曰:

腰支一遇勒,心中百处伤。

但若得口子,余事不承望。

十娘嗔咏曰:

手子从君把,腰支亦任回。

人家不中物,渐渐逼他来。

十娘曰:"虽作拒张,又不免输他口子。"口子郁郁,鼻似薰穿:舌子芬芳,颊疑钻破。五嫂咏曰:

自隐风流到,人前法用多。

计时应拒得, 佯作不禁他。

十娘曰:"昔日曾经自弄他,今朝并悉从人弄。"下官起,咨请曰:"十娘有一思事,亦拟申论,犹自不敢即道,请五嫂处分。" 五嫂曰:"但道!不须避讳。"余因咏曰:

药草俱尝遍,并悉不相宜。

惟须一个物,不道自应知。

十娘答咏曰:

素手曾经捉, 纤腰又被将。 即今输口子, 余事可平章。

下官敛手而答曰:"向来惶惑,实畏参差:十娘怜愍客人,存 其死命,可谓白骨再肉,枯树重花。伏地叩头,殷勤死罪。"五嫂 因起谢曰:"新妇曾闻:线因针而达,不因针而; 女因媒而嫁, 不因媒而亲。新妇向来专心为勾当,以后之事,不敢预知:娘子 安稳,新妇向房卧去也。"于时夜久更深,情急意密,鱼灯四面照, 蜡烛两边明。十娘即唤桂心,并呼芍药,与少府脱 履,叠袍衣, 阁幞头, 挂腰带。然后自与十娘施绫帔, 解罗裙, 脱红衫, 去绿 袜。花容满目,香风袭鼻。心去无人制,情来不自禁。插手红褌, 交脚翠被。两唇对口,一臂枕头,拍搦奶房间,摩挲髀子上,一 吃一意快,一勒一伤心,鼻里酸痹,心中结缭;少时眼花耳热, 脉胀筋舒, 始知难逢难见, 可贵可重, 俄顷中间, 数回相接。谁 知可憎病鹊, 夜半惊人: 薄媚狂鸡, 三更唱晓。遂则披衣对坐, 泣泪相看。下官拭泪而言曰:"所恨别易会难,去留乖隔,王事有 限,不敢稽停:每一寻思,痛深骨髓。"十娘曰:"儿与少府,平 生未展, 邂逅新交, 未尽欢娱, 忽嗟别离, 人生聚散, 知复如何!" 因咏曰:

> 元来不相识,判自断知闻。 天公强我事,今遣若为分。

仆乃咏曰:

积愁肠已断,悬望眼应穿;

今宵莫闭户,梦里向渠边。

少时,天晓已后,两人俱泣,心中哽咽,不能自胜。侍婢数人,并绵虚欷,不能仰视。五嫂曰:"有同必异。自昔攸然,乐尽哀生,古来常事。愿娘子稍自割舍。"下官乃将衣袖与娘子拭泪。十娘乃作别诗曰:

别时终是别,春心不值春。 羞见孤鸾影,悲看一骑尘; 翠柳开眉色,红桃乱脸新。 此时君不在,娇莺弄杀人。

五嫂咏曰:

此时经一去, 谁知隔几年! 双凫伤别绪, 独鹤惨离弦; 怨起移醒后, 愁生落醉前; 若使人心密, 莫惜马蹄穿。

下官咏曰:

忽然闻道别, 愁来不自禁; 眼下千行泪, 肠悬一寸心; 两剑俄分匣, 双凫忽异林, 殷勤惜玉体, 勿使外人侵。

下官因咏曰:

卞和山未断,羊雍地不耕; 自怜无玉子,何日见琼英?

十娘小名"琼英",下官因咏曰:

卞和山未断, 羊雍地不耕。

自怜无玉子,何日见琼英?

十娘应声咏曰:

凤锦行须赠,龙梭久绝声;

自恨无机杼,何日见文成?

下官瞿然,破愁成笑。遂唤奴曲琴,取"相思枕"留与十娘,以为记念。因咏曰:

南国传椰子,东家赋石榴:

聊将代左腕,长夜枕渠头。

十娘报以双履,报诗曰:

双凫乍失伴, 两燕还相属。

聊以当儿心, 竟日承君足。

下官又遣曲琴取"扬州青铜镜",留与十娘。并赠诗曰:

仙人好负局, 隐士屡潜观。

映水菱光散,临风竹影寒;

月下时惊鹊,池边独舞鸾。

若道人心变, 从渠照胆看。

十娘又赠手中扇, 咏曰:

合欢游璧水, 同心侍华阙,

飒飒似朝风, 团团如夜月。

鸾姿侵雾起, 鹤影排空发。

希君掌中握,勿使恩情歇。

下官辞谢乞,因遣左右取"益州新样锦"一疋,直奉五嫂,因赠诗曰:

今留片子信,可以赠佳期。

栽为八幅被,时复一相思。

五嫂遂抽金钗送张郎, 因报诗曰:

儿今赠君别,情知后会难。

莫言钗意小,可以挂渠冠。

更取"滑州小绫子"一疋,留与桂心香儿数人共分。桂心以下,或脱银钗,落金钏,解帛子,施罗巾,皆自送张郎曰:"好去。若因行李,时复相过。"香儿因咏曰:

大夫存行迹,殷勤为数来;

莫作浮萍草,逐浪不知回!

下官拭泪而言曰:"犬马何识,尚解伤离,鸟兽无情,由知怨别,心非木石,岂忘深恩!"十娘报诗曰:

他道愁胜死, 儿言死胜愁:

愁来百处痛, 死去一时休。

又咏曰:

他道愁胜死,儿言死胜愁;

日夜悬心忆,知隔几年秋。

下官咏曰:

人去悠悠隔两天,未番迢迢度几年?

纵使身游万里外,终归意在十娘边。

十娘咏曰:

天崖地角知何处, 玉体红颜难再遇!

但令翅羽为人生,会些高飞共君去。

下官不忍相看,忽把十娘手子而别。行至二三里,回头看数人,犹在旧处立。余时渐渐去远,声沉影灭,顾瞻不见,恻怆而去。行到山口,浮舟而过,夜耿耿而不寐,心茕茕而靡托,既怅恨于啼猿,又凄伤于别鹄。饮气吞声,天道人情,有别必怨,有怨必盈。去日一何短!来宵一何长!比目绝对,双凫失伴。日日衣宽,朝朝带缓。口上唇裂,胸间气满,泪脸千行,愁肠寸断。端坐横琴,涕血流襟,千思竞起,百虑交侵,独颦眉而永结,空抱膝而长吟。望神仙兮不可见,普天地兮知余心。思神仙兮不可得,觅十娘兮断知闻。欲闻此兮肠亦乱,更见此兮恼余心。

(《传奇》)

王榭传

唐王榭,金陵人,家巨富,祖以航海为业。一日,榭具大舶,欲之大食国。行逾月,海风大作,惊涛际天,阴云如墨,巨浪走山。鲸鳌出没,鱼龙隐现,吹波鼓浪,莫知其数。然风势益壮,巨浪一来,身若上于九天;大浪既回,舟若坠于海底。举舟之人,兴而复颠,颠而又仆。不久,舟破,独榭一板之附,又为风涛飘荡。开目则鱼怪出其左,海兽浮其右,张目呀口,欲相吞噬,榭闭目待死而已。

三 日,抵一洲,舍板登岸。行及百步,见一翁媪,皆皂衣服,年七十余,喜曰:"此吾主人郎也!何由到此?"榭以实对,乃引

到其家。坐未久,曰: "主人远来,必其馁。"进食,肴皆水族。 月余, 榭方平复, 饮食如故。翁曰:"至吾国者, 必先见君。向以 郎倦, 未可往, 今可矣。" 榭诺, 翁乃引行三里, 过闤闠民居, 亦 甚烦会。又过一长桥,方见宫室台榭,连延相接,若王公大人之 居。至大殿门, 阍者入报。不久一妇人出, 服颇美丽, 传言曰: "王 召君入见。"王坐大殿, 左右皆女人立。王衣皂袍乌冠。榭即殿 阶。王曰:"君北渡人也,礼无统制,无拜也。"榭曰:"既至其国, 岂有不拜平?"王亦折躬劳谢。王喜,召榭上殿,赐坐,曰:"卑 远之国,贤者何由及此?"榭以风涛破舟,不意及此,惟祈王见 矜,曰:"君舍何处?"榭曰: "见居翁家。"王令急召来,翁 至,曰:"此木乡主人也,凡百无令其不如意。"王曰:"有所须但 论。"乃引去,复寓翁家。翁有一女,甚美色。或进茶饵,帝牖间 偷视私顾,亦无避忌。翁一日召榭饮,半酣,白翁曰:"某身居异 地,赖翁母存活。旅况如不失家,为德甚厚。然万里一身,怜悯 孤苦, 寝不成寐, 食不成甘, 使人郁郁。但恐成疾伏枕, 以累翁 也。"翁曰:"方欲发言,又恐轻冒。家有小女,年十七,此主人 家所生也。欲以结好,少适旅怀,如何?"榭答:"甚善。"乃择 日备礼, 王亦遗酒看彩礼, 助结婚好。成亲, 榭细视女, 俊目狭 腰,杏脸绀鬓,体轻欲飞,妖姿多态。榭询其国名。曰:"乌衣国 也。"榭曰:"翁常目我为主人郎,我亦不识者,所不役使,何主 人云也?"女曰:"君久即自知也。"后常饮燕衽席之间,女多泪 眼畏人, 愁眉蹙黛。榭曰:"何故?"女曰:"恐不久睽别。"榭曰: "吾虽萍寄,得子亦忘归,子何言离意?"女曰:"事由阴数不由

人也。"王召榭宴于宝墨殿,器皿陈设俱黑,亭下之乐亦然。杯行 乐作,亦甚清婉,但不晓其典耳。王命玄玉杯劝酒曰:"至吾国者, 古今止两人:汉有梅成,今有足下。愿得一篇,为异日佳话。"给 笺,榭为诗曰:

> 基业祖来兴大舶,万里梯航惯为客。 今年岁运顿衰零,中道偶然罹此厄。 巨风迅急若追兵,千叠云阴如墨色。 鱼龙吹浪泣血腥,全舟灵葬鱼龙宅。 阴火连空紫焰飞,直疑浪与天相拍。 鲸目光连半海红,鳌头波涌掀天白。 桅樯倒折海底开,声若雷霆以分别。 随我神助不沈沧,一板漂来此岸侧。 君恩虽重赐宴频,无奈旅人自凄恻。 引领乡原常涕零,恨不此身生羽翼。

王览诗欣然曰:"君诗甚好!无苦怀家,不久令归。虽不能羽翼,亦令君跨烟雾。"宴回,各人作诗。女曰:"末句何相识也?" 榭亦不晓。

不久,海上风和日暖,女泣曰:"君归有日矣!"王遣人谓曰: "君某日当回,宜与家人叙别。"女置酒,但悲泣,不能发言,雨 洗娇花,露沾弱柳,绿惨红愁,香消腻瘦。榭亦悲感。女作别诗 曰:

> 从来欢会惟忧少,自古恩情到底稀。 此夕孤帏千载恨,梦魂应逐北风飞。

又曰:"我自此不复北渡矣。使君见我非今形容,且将憎恶之,

何暇怜爱。我见君亦有嫉妒之情,今不复北渡,愿老死于故乡。此中所有之物,郎俱不可持去,非所惜也。"令侍中取丸灵丹来曰:"此丹可以召人之神魂,死未逾月者,皆可使之更生。其法用一明镜,致死者胸上,以丹安于项。以东南艾枝作柱炙之,立活。此丹海神秘惜,若不以昆仑玉盒盛之,即不可逾海。"适有玉盒,并付以击榭左臂。大恸而别。王曰:"吾国无以为赠。"取笺诗曰:

昔向南溟浮大舶,漂流偶作吾乡客。

从兹相见不复期, 万里风烟云水隔。

榭辞拜。王命取"飞云轩"来。既至,乃一鸟毡兜子耳。命榭入其中,复命取化羽池水,洒之共毡乘。又召翁妪,扶持榭回。 王戒榭曰:"当闭目,少息即至君家。不尔,即堕大海矣。"榭合目,但闻风声怒涛。既久开目,已至其家坐堂上。四顾无人,惟梁上有双燕呢喃。榭仰视,乃知所止之国,燕子国也。须臾,家人出向劳问,俱曰:"闻为风涛破舟,死矣!何故遽归?"榭曰:"独我附板而生。"亦不告所居之国。榭惟椎一子,去时方三岁。不见,乃问家人。曰:"死已半月矣!"榭感泣,因思灵丹之言,命开棺取尸,如法炙之,果生。至秋,二燕将去,悲鸣庭户之间。榭招之,飞集于臂,乃取纸细书一绝,系于尾云:

误到华胥国里来,玉人终日重怜才。 云轩飘去无消息,泪洒临风几百回。

来春,燕来,径泊榭臂,尾一小柬,取视,乃诗也。有一绝云:

昔日相逢真数合, 而今睽隔是生离。

来春纵有相思字,三月天南无燕飞。

榭深自恨。明年,亦不来。其事流传众人口,因目榭所居处 为乌衣巷。刘禹锡金陵五咏,有乌衣巷诗云:

> 朱雀桥边野草花,乌衣巷口夕阳斜。 旧时王榭堂前燕,飞入寻常百姓家。

即知王榭之事非虚矣。

(《传奇》)

三山福地志

元自实,山东人也。生而质钝,不通诗书。家颇丰殖,以田庄为业。同里有缪君者,除得闽中一官,缺少路费,于自实处假银二百两。自实以乡党相处之厚,不问其文券,如数贷之。至正末,山东大乱,自实为群盗所劫,家计一空。时陈有定据守福建,七闽颇安。自实乃挈妻子由海道趋福州,将访缪君而投托焉。至则缪君果在有定幕下,当道用事,威权隆重,门户赫奕。自实大喜。然而患难之余,跋涉道途,衣裳蓝缕,容貌憔悴,未敢遽见也。乃于城中僦屋安顿其妻孥,整饰其冠服,卜日而往。适值缪君之出,拜于马首。初似不相识。乃叙乡井,通姓名,方始惊谢。即延之入室,待以宾主之礼。良久,啜茶而罢。明日,再往,酒果三杯而已。落落无顾念之意。亦不言银两之事。自实还家,旅寓荒凉,妻孥怨詈曰:"汝万里投人,所干何事?今为三杯薄酒所

卖,即便不出一言,吾等何所望也!"自实不得已,又明日再往访 焉。则似已厌之矣。自实方欲启口,缪君遽曰:"向者承借路费, 铭 心不忘。但一宦萧条,俸入微薄,故人远至,岂敢辜恩。望以 文券付还,则当如数陆续酬纳也。"自实悚然曰:"与君共同乡里, 自少交契深密,承命周急,素无文券,今日何以出此言也?"缪 君正色曰:"文券诚有之,但恐兵火之后君失之耳。然券之有无, 某亦不较。惟望宽其程限,使得致力焉。"自实唯唯而出。怪其言 辞矫妄, 负德若此, 羝羊触藩, 进退维谷。半月之后, 再登其门, 惟以温言接之,终无一钱之惠。展转推托,遂及半年。市中有一 小庵,自实往缪君之居,适当其中路。每于门下憩息。庵主轩辕 翁者,有道之士也。见其往来颇久,与之叙话,因而情熟。时值 季冬,已迫新岁,自实穷居无聊,诣缪君之居,拜且泣曰:"新正 在尔,妻子饥寒,囊乏一钱,瓶无储粟。向者银两,今不敢求。 但愿捐斗水而活涸辙之枯,下壶飧而求翳桑之饿,此则故人之赐 也。伏望怜之悯之,哀之恤之!"遂匍匐于地,缪君扶之起,屈指 计日之数,而告之曰:"更及一旬,当是除夕。君可于家专待。吾 分禄米二石及钱二定,令人驰送于宅,以为过岁之资。幸勿以少 为怪。"目又再三丁宁,毋用他出以候之。自实感谢而退。归以缪 君之言慰其妻子。至日,举家悬望。自实端坐于床,令稚子于里 门觇之。须臾奔入曰:"有人负米至矣。"急出俟焉,则越其庐而 不顾。自实犹谓来人不识其家,趋往问之,则曰:"张员外之馈馆 宾者也。"默然而返。顷之,稚子又入告曰:"有人携钱来矣。"急 出迓焉,则过其门而不入。再往扣之,则曰:"李县令之赆游客者

也。"怃然而惭。如是者凡数度。至晚,竟绝影响。明日,岁旦矣, 反为所误, 粒米束薪俱不及办。妻子相向而哭, 自实不胜其愤, 阴砺白刃,坐以待旦。鸡鸣鼓绝,径投缪君之门,将俟其出而刺 之。是时, 震方未启, 道无行人, 惟小庵中轩辕翁方明烛转经, 当门而坐。见自实前行,有奇形异状之鬼数十辈从之,或握刀剑, 或执椎凿,披头露体,势甚凶恶,一饭之顷,则自实复回,有金 冠玉佩之士百余人随之,或击幢盖,或举旌幡;和容婉色,意甚 安闲。轩辕翁叵测,谓其已死矣。诵经已罢,急往访之,则自实 固无恙。坐定, 轩辕翁问曰:"今日之晨, 子将奚适?何其去之匆 匆,而回之缓缓也?愿得一闻。"自实不敢隐,具言缪君之不义, "令我狼狈!今早实砺霜刃于怀,将往杀之以快意。及至其门, 忽自思曰:彼实得罪于吾,妻子何尤焉。且又有老母在堂。今若 杀之,其家何所依!宁人负我毋我负人也。遂隐忍而 归耳。"轩 辕翁闻之,稽首而贺曰:"吾子将有后禄。神明已知之矣。"自实 问其故。翁曰:"子一念之恶,而凶鬼至,一念之善,而福神临。 如影之随形,如声之应响。固知暗室之内,造次之间,不可萌心 而为恶,不可造罪而损德也。"因具言其所见而慰抚之。且以钱米 少许周其急。然而自实终郁郁不乐。至晚,自投于三神山下八角 井中。其水忽然开辟,两岸皆石壁如削,中有狭径,仅通行履。 自实扪壁而行。将数百步,壁尽路穷,出一弄口,则天地明朗, 日月照临,俨然别一世界也。见大宫殿金书其榜曰:三山福地。 自实瞻仰而入。长廊昼静,古殿烟消,徘徊四顾,阒无人踪。惟 闻钟磬之声,隐隐于外。饥馁颇甚,行不能前。困卧石坛之侧。 忽一道士曳青霞之裾,振明月之佩,至前呼起之,笑而问曰:"翰 林识旅游滋味乎?"自实拱而对曰:"旅游滋味则尽足矣。翰 林之称,一何误乎?"道士曰:"子不忆草西蕃诏于兴盛殿乎?" 自实曰:"某山东鄙人,布衣贱士,生岁四士,目不知书,平生未 尝游览京国,何有草诏之说乎?"道士曰:"子应为饥火所恼,不 暇记前事耳。"乃于袖中出梨枣数枚令食之。曰:"此谓交梨火枣 也,食之当知过去未来事。"自实食讫,惺然明悟。因记为学士时, 草西蕃诏于大都兴圣殿侧,如昨日焉。遂请于道士曰:"某前世造 何罪而今受此报耶?"道十曰:"子亦无罪。但在职之时,以文学 自高,不肯汲引后进,故今世令君愚懵而不识字;以爵位自尊, 不肯接纳游士,故今世令君漂泊而无所依耳。"自实因指当世达官 而问之曰:"某人为丞相而贪饕不止,贿赂公行,异日当受何报?" 道士曰:"彼此乃无厌鬼王, 地下有十炉以铸其横财。今亦福满矣, 当受幽囚之祸。"又问曰:"某人为平章而不蕺军士,杀害良民, 异日当受何报?"道士曰:"彼乃多杀鬼王,有阴兵三百皆铜头铁 额辅之以助其虐。今亦命衰矣。当受割截之殃。"又问某人为监司, 而刑罚不振:某人为郡守,而赋役不均:某人为宣慰,不闻所宣 之何事:某人为经略,不闻所略之何方。然则,当受何报也?" 道十曰:"此等皆已杻械加其身,缧绁系其预,腐肉秽骨,待戮余 魂,何足算也!"自实因举缪君负债之事。道士曰: "彼乃王将 军之库子,财物岂得妄动耶?"道士因言:"不出三年,世运变革, 大祸将至,其可畏也。汝官择地而居。否则恐预池鱼之殃。"自实 乞指避兵之地。道士曰:"福清可矣。"又曰:"不若福宁。"言讫, 谓自实曰: "汝到此久,家人悬望。今可归矣。"自实告以无路。

道士指一径令其去。遂再拜而别。行二里许,于山后得一穴出。 到家则已半月矣。急携妻子径往福宁村中,垦田治圃而居。挥镢 之际,铮然作声,获瘗银四锭。家遂稍康。其后张氏夺印,达丞 相被拘,大军临城,陈平章遭掳。其余官吏,多不保其首领。而 缪君为王将军者所杀,家资皆归之焉。以岁月记之,仅及三载, 而道士之言悉验矣。

(《剪灯新话》)

绿衣人传

天水赵源,早丧父母,未有妻室。延祐间,游学至于钱塘,侨居西湖葛岭之上,其侧即宋贾秋壑旧宅也。源独居无聊,尝日晚徒倚门外,见一女子,从东来,绿衣双鬟,年可十五六,虽不盛装浓饰,而姿色过人,源注目久之。明日出门,又见,如此凡数度,日晚辄来。源戏问之曰:"家居何处,暮暮来此?"女笑而拜曰:"儿家与君为邻,君自不识耳。"源试挑之,女欣然而应,因遂留宿,甚相亲昵。明旦,辞去,夜则复来。如此凡月余,情爱甚至。源问其姓氏居址,女曰:"君但得美妇而已,何用强知。"问之不已,则曰:"儿常衣绿,但呼我为绿衣人可矣。"终不告以居址所在。源意其为巨室妾媵,夜出私奔,或恐事迹彰闻,故不肯言耳,信之不疑,宠念转密。一夕,源被酒,戏指其衣曰:"此真可谓'绿兮衣兮,绿衣黄裳'者也。"女有惭色,数夕不至。及

再来,源叩之。乃曰:"本欲相与偕老,奈何以婢妾待之,令人忸怩而不安!故数日不敢侍君之侧。然君已知矣,今不复隐,请得备言之。儿与君,旧相识也,今非至情相感,莫能及此。"源问其故,女惨然曰:"得无相难乎?儿实非今世人,亦非有祸于君者,盖冥数当然,夙缘未尽耳。"源大惊曰:"愿闻其详。"女曰:"儿故宋秋壑平章之侍女也。本临安良家子,少善弈棋,年十五,以棋童入侍,每秋壑回朝,宴坐半闲堂,必召儿侍弈,备见宠爱。是时君为其家苍头,职主煎茶,每因供进茶瓯,得至后堂。君时年少,美姿容,儿见而慕之,尝以绣罗钱箧,乘暗投君。君亦以玳瑁指盒为赠,彼此虽各有意,而内外严密,莫能得其便。后为同辈所觉,谗于秋壑,遂与君同赐死于西湖桥之下。君今已再世为人,而儿犹在鬼箓,得非命欤?"言讫,呜咽泣下。源亦为之动容。久之,乃曰:"审若是,则吾与汝乃再世因缘也,当更加亲爱,以偿畴昔之愿。"

自是遂留宿源舍,不复更去。源素不善弈,教之弈,尽传其妙,凡平日以棋称者,皆不能敌也。每说秋壑旧事,其所目击者,历历甚详。尝言:秋壑一日倚楼闲望,诸姬皆侍,适二人乌巾素服,乘小舟由湖登岸,一姬曰: "美哉,二少年!"秋壑曰:"汝愿事之耶?当令纳聘。"姬笑而无言。逾时令人捧一盒,呼诸姬至前曰:"适为某姬纳聘。"启视之,则姬之首也。诸姬皆战栗而退。又尝贩盐数百艘至都市货之,太学有诗曰:

昨夜江头涌碧波,满船都载相公鹾。 虽然要做调羹用,未必调羹用许多。 秋壑闻之,遂以士人付狱,论以诽谤罪。又尝于浙西行公田 法,民受其苦。或题诗于路左云:

襄阳累岁困孤城,豢养湖山不出征。

不识咽喉形势地,公田枉自害苍生。

秋壑见之,捕得,遭远窜。又尝斋云水千人,其数已足,末 有一道士,衣裾蓝缕,至门求斋,主者以数足,不肯引入,道士 坚求不去,不得已,于门侧斋焉。斋罢,复其钵于案而去,众悉 力举之,不动。启于秋壑,自往举之,乃有诗二句云:

得好休时便好休, 收花结子在漳州。

始知真仙降临而不识也。然终不喻漳州之意。嗟乎!孰知有漳州木棉庵之厄也。又尝有梢人泊舟苏堤,时方盛暑,卧于舟尾,终夜不寐,见三人长不盈尺,集于沙际,一曰:"张公至矣,如之奈何?"一曰:"贾平章非仁者,决不相恕!"一曰:"我则已矣,公等将见其败也!"相与哭入水中。次日,渔者张公获一鳖,经二尺余,纳之府第,不三年,而祸作。盖物亦先知,数而不可逃也。

源曰:"吾今日与汝相遇,抑岂非数乎?"女曰:"是诚不妄矣!"源曰:"汝之精气,能久存于世耶?"女曰:"数至则散矣。"源曰:"然则何时?"女曰:"三年耳。"源固未之信。及期,卧病不起。源为之迎医,女不欲,曰:"曩固已与君言矣,因缘之契,夫妇之情,尽于此矣。"即以手握源臂,而与之诀曰:"儿以幽阴之质,得事君子,荷蒙不弃,周旋许时。往者,一念之私,俱陷不测之祸,然而海枯石烂,地老天荒,此情不泯!今幸得续前生之好,践往世之盟,三载于兹,志愿已足,请从此辞,毋更以为念也!"言讫,面壁而卧,呼之不应矣。源大伤恸,为治棺榇而殓

之。将葬,怪其棺甚轻,启而视之,惟衣衾钗珥在耳。乃虚葬至 北山之麓。源感其情,不复再娶,投灵隐寺出家为僧,终其身云。 (《剪灯新语》)

金凤钗记

大德中所州富人吴防御居春风楼侧,与宦族崔君为邻,交契甚厚。崔有子曰兴哥,防御有女曰兴娘,俱在襁褓。崔君因求女为兴哥妇,防御许之,以金凤钗一只为约。既而崔君游宦远方,凡一十五载,并无一字相闻。女处闺闱,年十九矣。其母谓防御曰:"崔家郎君一去十五载,不通音耗。兴娘长成矣。不可执守前言,令其挫失时节也。"防御曰:"吾已许吾故人矣。况成约已定,吾岂食言者也。"女亦望生不至,因而感疾,沉绵枕席,半岁而终。父母哭之恸。临殓,母持金钗抚尸而泣曰:"此汝夫家物也。今汝已矣,吾留此安用!"遽簪于其髻而殡焉。

殡之两月,而崔生至。防御延接之,访问其故,则曰:"父为宣德府理官而卒。母亦先逝数年矣。今已服除,故不远千里而至此。"防御下泪曰: "兴娘薄命,为念君故,得疾,于两月前饮恨而终。今已殡之矣。"因引生入室,至其灵几前,焚楮钱以告之。举家号恸。防御谓生曰:"郎君父母既殁,道途又远。今既来此,可便于吾家宿食。故人之子,即吾子也。勿以兴娘殁故,自同外人。"即令搬挈行李于门侧小斋安泊。将及半月,时值清明。防御

以女新殁之故,举家上冢。兴娘有妹曰庆娘,年十七矣。是日亦 同往。惟留生在家看守。至暮而归。天已曛黑,生于门左迎接。 有轿二乘, 前轿已入, 后桥至生前, 似有物堕地, 铿然有声。生 俟其过,急往拾之,乃金凤钗一只也。欲纳还于内,则中门已阖, 不可得而入矣。遂还小斋。明烛独坐,自念婚事不成,只身孤苦, 寄迹人门, 亦非久计。长叹数声, 方欲就枕。忽闻剥啄扣门声。 问之不答。斯须复扣。如是者三度。起视之,一美妹立于门外。 见户开, 遽塞裙而入。生大惊。女低容敛气, 向生细语曰:"郎不 识妾耶?妾即兴娘之妹庆娘也。向者投钗轿下,郎拾得否?"即 挽生就寝。生以其父待之厚,辞曰:"不敢。"拒之甚确,至于再 三。女忽頩尔怒曰:"吾父以子侄之礼待汝,置汝门下,汝乃于深 夜诱我至此,将欲何为!我将诉之于父,讼汝于官,必不舍汝矣。" 生惧,不得已而从焉。至晓,乃去。自是暮隐而人,朝隐而出, 往来于门侧小斋,凡及一月有半。一夕,谓生曰:"妾处深闺,君 居外馆。今日之事,幸而无人知觉。诚恐好事多磨,佳期易阻。 一旦声迹彰露,视庭罪责,闭笼而锁鹦鹉,打鸭而惊鸯鸳,在妾 固所甘心,于君诚恐累德。莫若失事而发,怀璧而逃。或晦迹深 村,或藏踪异郡。庶得优游偕老,不致睽离也。"生颇然其计。曰: "卿言亦自有理。吾方思之。"因自念零丁孤苦,素乏亲知。虽欲 逃亡, 竟将焉往? 尝闻父言: 有旧仆金荣者, 信义人也。居镇江 吕城,以耕种为业。今往投之,庶不我拒。

至明夜五鼓,与女轻装而出,买船过瓜州,奔丹阳。访于村 氓,果有金荣者,家甚殷富。见为本村保正。生大喜,直造其门, 至则初不相识也。生言其父姓名爵里及己乳名,方始记认,则设 位而哭其主,捧生而拜于座,曰: "此吾家郎君也。"生具告以故。乃虚正堂而处之,事之如事旧主。衣食之需,供给甚勤,生处荣家,将及一年。女告生曰: "始也惧父母之责,故与君为卓氏之逃。盖出于不得已也。今则旧谷既没,新谷既登,岁月如流,已及期矣。且爱子之心,人皆有之。今而自归,喜于再见,必不我罪。况父母生之,恩莫大焉,岂有终绝之理。盍往见之乎?"生从其言,与之流江入城。将及其家,谓生曰: "妾逃窜一年,今遽与君同往,或恐逢彼之怒。君宜先往觇之。妾舣舟于此以俟。"临行,复呼生回,以金凤钗授之,曰: "如或疑拒,当出此以示之,可也。"

生至门,防御闻之,欣然出见。反致谢曰:"日昨顾待不 周,致君不安其所,而有他适,老夫之罪也。幸勿见怪。"生拜伏在地,不敢仰视,但称死罪,口不绝声。防御曰:"有何罪过,遽出此言!愿赐开陈,释我疑虑。"生乃作而言曰:"曩者房帷事密,儿女情多,负不义之名,犯私通之律,不告而娶,穷负而逃,窜伏村墟,迁延岁月,音容久阻,书问莫传。情虽笃于夫妻,恩敢忘于父母!今则谨携令爱,则此归宁,伏望察其深情,恕其重罪,始得终能偕老,永随于飞。大人有溺爱之恩,小子有宜家之乐。是所望也,惟冀悯焉。"防御闻之,惊曰:"吾女卧病在床,今及一岁。饘粥不进,转侧需人,岂有是事耶?"生谓其恐为门户之辱,故饰词以拒之,乃曰:"目今庆娘在于舟中,可令人舁取之来。"防御虽不信,然且令家僮驰往视之。至则无所见。方诘怒崔生,责其妖妄。生于袖中,出金凤钗以进。防御见,始大惊曰:"此吾亡女兴

娘殉葬之物也,胡为而至此哉?"疑惑之际,庆娘忽于床上歘然 而起,直至堂前,拜其父曰:"兴娘不幸,早辞严侍,远弃荒郭。 然与崔家郎缘分未断。今之来此, 意亦无他, 特欲以爱妹庆娘, 续其婚耳。如所请肯从,则病患当即痊除。不用妾言,命尽此矣。" 举家惊骇。视其身则庆娘,而言词举止则兴娘也。父诘之曰:"汝 既死矣,安得复于人世为此乱惑也?"对曰:"妾之死也,冥司以 妾无罪,不复拘禁,得隶后土夫人帐下,掌传笺奏。妾以世缘未 尽,故特给假一年,来与崔郎了此一段因缘尔。"父闻其语切,乃 许之。即敛容拜谢。又与崔生执手歔欷为别。且曰: "父母许 我矣!汝好作娇客,慎毋以新人而忘故人也。"言讫,恸哭而仆于 地。视之, 死矣。急以汤药灌之, 移时乃苏。疾病已去, 行动如 常。问其前事,并不知之。殆如梦觉。遂涓吉续崔生之婚。生感 兴娘之情,以钗货于市, 得钞二十锭,尽买香烛楮币,赍诣琼花 观,命道士醮三昼夜,以报之。复见梦于生曰:"蒙君荐拔,尚有 余情。虽隔幽明,实深感佩。小妹柔和,宜善视之。"生惊悼而觉。 从此遂绝。呜呼异哉!

(《剪灯新话》)

申阳洞记

陇西李生,名德逢,年二十五,善骑射,驰骋弓马,以胆勇称,然而不事生产,为乡党贱弃。天历间,父友有任桂州监郡者,

因往投焉。至则其人已殁,流落不能归。郡多名山,日以猎射为事,出没其间,未尝休息,自以为得所乐。有大姓钱翁者,以资产雄于郡,止有一女。年及十七,甚所钟爱,未尝窥门,虽姻亲邻里,亦罕见之。一夕,风雨晦冥,失女所在,门窗户闼,扃鐍如故,莫知所从往。闻于官,祷于神,访于四境,悄无踪迹。翁念女切至,设誓曰:"有能知女所在者,愿以家财一半给之,并以女事焉。"虽求寻之意甚切,而荏苒将及半载,竟绝音响。

生一日挟镞持弧出城,遇一麐,逐之不舍,遂越冈峦,深人 涧谷,终莫能及。目已曛黑,又迷来路,彷徨于垅坂之侧,莫知 所适。已而烟昏云瞑, 虎啸猿啼, 远所黯然, 若一更之后, 遥望 山顶, 见一古庙, 委身投之。至则尘埃堆积, 墙壁倾颓, 兽蹄鸟 迹, 交杂于中, 生虽甚怖, 然无可奈何, 少憩庑下, 将以待旦。 未及瞑目,忽闻传导之声,自远而至。生念深山静夜,安得有此? 疑其为鬼神, 又恐为盗劫, 乃攀缘槛楯, 伏于梁间, 以窥其所为。 须臾, 及门, 有二红灯前导, 为首者顶三山冠, 绛帕首, 被淡黄 袍,束玉带,径据神案而坐。从者十余辈,各执器仗,罗列阶下。 仪卫虽甚整肃,而状貌则皆猳 之类也。生知为邪魅,取腰间箭, 持满一发, 正中坐者之臂, 失声而走, 群党一时溃散, 莫知所之。 久之, 寂然, 乃假寐待旦。则见神座边鲜血点点, 从大门而出, 沿路不绝, 循山而南, 将及五里, 得一大穴, 血踪由此而入。生 往来穴口,顾盼之际,草根柔滑,不觉失足而坠。乃深坑万仞, 仰不见天,自分必死。旁边微觉有路,寻路而行,转入幽邃,咫 尺不辨。更前百步,豁然开郎,见一石室,榜曰:"申阳之洞。"

守门者数人,装束如昨夕庙中所睹。见生,惊曰:"子为何人,而 遽至此?"生磬折作礼而答曰:"下界凡氓,久居城府,以医 为业。因乏药材,入山采拾,贪多务得,进不知止。不觉失足, 误坠于斯。触冒尊灵,乞垂宽宥。"守门者闻言,似有喜色,问之 曰:"汝既业医,能为人治疗乎?"生曰:"此分内事也。"守门者 大喜,以手加额曰:"天也!"生请其故。曰:"吾君申阳侯,昨因 出游,为流矢所中,卧病在床:而汝惠然来斯,是天以神医见贶 也。"乃邀生坐于下,踉跄趋入,以告于内。顷之,出而传其主之 命曰:"仆不善摄生,自贻伊戚,祸及股肱,毒流骨髓,厄运莫逃, 残生待尽。今而幸值神医,获赐良剂,是受病者有再生之乐,而 治病者有全生之恩也,敢不忍死以待!"生遂摄衣而入,度重门, 及曲房, 帷幄衾褥, 极其华丽。见一老猕猴, 偃卧石榻之上, 呻 吟之声不绝。美人侍侧者三,皆绝色也。生诊其脉,抚其疮,诡 曰: "无伤也, 予有仙药, 非徒治病, 兼可度世, 服之则能后 天不老,而凋三光矣。今之相遇,盖亦有缘耳。"遂倾囊出药,令 其服之。群妖闻度世之说,喜得长生,皆罗拜于前曰:"尊官信是 神人,今幸相遇!吾君既获仙丹永命,吾等独不得沾刀圭之赐乎?" 生遂罄其所赍, 遍赐之, 皆踊跃争夺, 惟恐不预。其药盖毒之尤 者,用以淬箭镞而射鸷兽,无不应弦而倒。有顷,群妖一时仆地, 昏眩无知矣。生顾宝剑悬于石壁,取而悉斩之,凡戮猴大小三十 六头。

疑三女为妖,欲并除之。皆泣而言曰:"妾等皆人,非魅也。 不幸为妖猴所摄,沉陷坑阱,求死不得。今君能为妾除害,即妾 再生之主也,敢不惟命是听!"问其姓名居址。其一即钱翁之女,

其二亦皆近邑良家也。生虽能除去群妖,然无计以出,愤闷之际, 忽有老父数人,不知自何来,皆身被褐裘,长须乌喙,推一白衣 者居前,向生列拜曰:"吾等虚星之精,久有此土,近为妖猴所据, 力弗能敌, 屏避他方, 俟其便而图之。不意君能为我扫除仇怨, 荡涤凶邪,敢不致谢!"各于袖中出金珠之属,置于生前。生曰: "若孱劣耶?"白衣者曰:"吾寿止五百岁,彼已八百岁,是以不 敌。然吾等居此,与人无害也。功成行满,当得飞游诸天,出入 自在耳。非若彼之贪淫肆暴、害人祸物。今其稔恶不已、举族夷 灭,盖亦获咎于天,假手于君耳。不然,彼之凶邪,岂君所能制 耶?"生曰:"洞名申阳,其义安在?"曰:"猴乃申属,故假之 以美名,非吾士之旧号也。"生曰:"此地既为若等故居,予乃世 人, 误陷于此, 但得指引归途, 谢物不用也。"曰:"果如是, 亦 何难哉!但请闭目半晌,即得遂愿。"生如其言,耳畔惟闻疾风暴 雨之声。声止, 开目, 见一大白鼠在前, 群鼠如豕者数辈从之, 旁穿一穴, 达于路口。生挈三女以出, 径叩钱翁之门而归焉。翁 大惊喜,即纳为婿:其二女之家,亦愿从焉。生一娶三女,富贵 赫然, 复至其处, 求访路口, 则丰草乔林, 元近如一, 元复旧踪 焉。

(《剪灯新话》)

太虚司法传

冯大异, 名奇, 吴、楚之狂士也。恃才傲物, 不信鬼神, 凡

依草附木之妖,惊世而骇俗者,必攘臂当之,至则凌慢毁辱而后已,或火其祠,或沉其像,勇往不顾,以是人亦以胆气许之。

至元丁丑,侨居上蔡之东门。有故之近村,时兵燹之后,荡 无人居,黄沙白骨,一望极目。未至而斜日西沉,愁云四起,既 无旅店,何以安泊。道旁有一古柏林,即投身而入,倚树少憩。 鸺鹠鸣其前, 豺狐嗥其后。顷之, 有群鸦接翅而下, 或跂一足而 啼,或鼓双翼而舞,叫噪怪恶,循环作阵。复有八九死尸,僵卧 左右, 阴风飒飒, 飞雨骤至, 疾雷一声, 群尸环起, 见大异在树 下, 踊跃趋附。大异急攀缘上树以避之, 群尸绕其下, 或啸或詈, 或坐或立,相与大言曰:"今夜必取此人!不然,吾属将有咎!" 己而云收雨止,月光穿漏,见一夜叉自远而至,头有二角,举体 青色,大呼阔步,径至林下,以手撮死尸,摘其头而食之,如啖 瓜之状:食讫,饱卧,鼾睡之声动地。大异度不可久留,乘其熟 寐,下树迸逸,行不百步,则夜叉已在后矣,舍命而拜,几为所 及。遇一废寺, 急入投之, 东西廊皆倾倒, 惟殿上有佛像一躯, 其状甚伟。见佛背一穴,大异计穷,窜身入穴,潜于腹中,自谓 得所托,可无虞矣。忽闻佛像鼓腹而笑曰:"彼求之而不得,吾不 求而自至,今夜好顿点心,不用食斋也!"即振迅而起,其行甚重, 将十步许,为门限所碍,蹶然仆地,土木狼藉,胎骨糜碎矣。大 异得出,犹大言曰:"胡鬼弄汝公,反自掇其祸!"即出寺而行。 遥望野中, 灯烛荧煌, 诸人揖让而坐。喜甚, 弛往赴之。乃至, 则皆无头者也,有头者则无一臂,或缺一足。大异不顾而走。诸 鬼怒曰:"吾辈方此酣畅,此人大胆,敢来冲窜!正当执之以为脯 胾耳。"即踉跄哮吼,或抟牛粪而掷,或攫人骨而投,无头者则提 头以趁之。前阻一水,大异乱流而渡,诸鬼至水,则不敢越。蓦 及半里,大异回顾,犹闻喧哗之声,靡靡不已。

须臾, 月堕, 不辨蹊径, 失足坠一坑中, 其深无底, 乃鬼谷 也。寒沙眯目, 阴气彻骨, 群鬼萃焉。有赤发而双角者, 绿毛而 两翼者, 鸟喙而獠牙者, 牛头而兽面者, 皆身如蓝靛, 口吐火焰, 见大异至,相贺曰:"仇人至矣!"即以铁钮系其颈,皮繂拴其腰, 驱至鬼王之座下,告曰:"此即在世不信鬼神,凌辱吾徒之狂士也。" 鬼王怒责之曰:"汝具五体而有知识,岂不闻鬼神之德其盛矣乎? 孔子圣人也, 犹曰敬而远之。大《易》所谓'载鬼一车', 《小 雅》所谓'为鬼为蜮'。他如《左传》所纪,晋景之梦,伯有之事, 皆是物也。汝为何人,独言其无?吾受汝侮久矣!今幸相遇,吾 乌得而甘心焉。"即命众鬼卸其冠裳,加以棰楚,流血淋漓,求死 不得,鬼王乃谓之曰:"汝欲调泥成酱乎?汝欲身长三丈乎?"大 异念泥岂可为酱, 因愿身长三丈。众鬼即捽之于石床之上, 如搓 粉之状,众手反复而按摩之,不觉渐长,已而扶起,果三丈矣, 袅袅如竹竿焉。众笑辱之,呼为"长竿怪"。王又谓之曰: "汝 欲煮石成汁乎?汝欲身矮一尺乎?"大异方苦其长,不能自立, 即愿身矮一尺。众鬼又驱至石床上,如按面之状,极力一捺,骨 节磔磔有声,乃拥之起,果一尺矣,团苽如巨蟹焉。众又笑辱之, 呼为蟛蜞怪。大异蹒跚于地,不胜其苦。旁有一老鬼,抚掌大笑 曰: "足下平日不信鬼怪,今日何故作此形骸?"乃请于众曰:"彼 虽无礼,然遭辱亦甚矣,可怜许,请宥之!"即以两手提挈大异而 抖擞之,须臾复故。大异求还,诸鬼曰:"汝既到此,不可徒返,

吾等各有一物相赠,所贵人间知有我辈耳。"老鬼曰:"然则,以何物赠之?"一鬼曰:"吾赠以拨云之角。"即以两角置于大异之额,岌然相向。一鬼曰:"吾赠以啸风之嘴。"即以一铁嘴加于其唇,尖锐如鸟喙焉。一鬼曰:"吾赠以朱华之发。"即以赤水染其发,皆鬅鬙而上指,其色如火。一鬼曰:"吾赠以碧光之睛。"即以二青珠嵌于其目,湛湛而碧色矣。老鬼遂送之出坑曰:"善自珍重,向者群小溷渎,幸勿记怀也。"

大异虽得出,然而顶拨云之角,戴啸风之嘴,被朱华之发,含碧光之睛,俨然成一奇鬼。到家,妻孥不敢认;出市,众共聚观,以为怪物;小儿则惊啼而逃避。遂闭户不食,愤懑而死。临死,谓其家曰:"我为诸鬼所困,今其死矣!可多以纸笔置柩中,我将讼之于天。数日之内,蔡州有一奇事,是我得理之时也,可沥酒而贺我矣。"言讫而逝。过三日,白昼风雨大作,云雾四塞,雷霆霹雳,声震寰宇,屋瓦皆飞,大木尽拔,经宿始霁。则所堕之坑,陷为一巨泽,弥漫数里,其水皆赤。忽闻柩中作语曰:"讼已得理!诸鬼皆夷灭无遗!天府以吾正直,命为太虚殿司法,职任隆重,不复再来人世矣。"其家祭而葬之,肸蚃之间,如有灵焉。(《剪灯新话》)

长安夜行录

洪武初, 汤公铭之与文公原吉, 俱以老成练达、学问渊源,

政事文章推重当代。未几而秦邸之国汤公拜右辅,文公拜左辅,随从以行。时天下太平,人物繁庶,关中又汉唐故都,遗迹俱在,二公导翊之暇,惟从容于诗酒中,临眺于山川,访古寻幽,未尝相舍。

一日,文公谓汤公曰:"汉代诸陵,尽在于此。吾徒幸无案牍之劳,且有休退之日,登高能赋,此其时乎?"府僚洛阳巫马斯仁对曰:"长陵、安陵、阳陵、平陵,皆在渭北咸阳原上,高十二丈,百二十七步。惟茂陵在兴平县东北十里,高十四丈,百四十步,其形方正,状类复斗;陵东为卫将军青墓;又稍东为霍去病墓,所谓象祁连山者;西北为公孙弘墓,西一里为李夫人墓;山川雄秀,与他处异。公若欲游,宜先于是。且兴平去此十八里,一日可到。"二公然之,翌日遂往,期仁从焉,时九月二十日也。

暨归,至半途,期仁马乏,追公不及,因缓辔徐行,不觉瞑矣。路遥天黑,将近二更,禽鸟飞鸣,狐兔冲斥,心甚恐,且畏且行。俄而望中隐隐有火光,意谓人家不远,策马以进,至则果民舍也,双户洞开,灯犹未灭。期仁下马,拴于庭树之上,入坐客次,良久寂然,不敢叩门,惟屡謦咳使其家知之。少顷,苍头自便户出,问客何来,期人以实告,苍头唯唯而去。未几,主人出,乃一少年,韦布翛然,状貌温粹,揖客与语,言辞简当,问劳而已。茶罢,延入中堂,规制幽雅可爱,花卉芬芳,几席雅洁。坐定,少年呼其妻出拜,视之,国色也,年二十余,靓妆常服,不屑朱铅,,往来于香烟烛影中,绰约若仙妹神女。期仁私念彼寻常人,而妻美若此,必怪也,亦不敢问,逡巡,设酒馔,杯豆罗

列,虽不甚丰腆,而奇美精致,迨非人间饮食,少年相劝,意甚 殷勤。

酒半, 夫妻俱起拜曰: "公, 贵人, 前程远大。某有少恳, 欲 托公以白于世。"期仁曰:"子夫妇为谁?所恳者何事?"少年曰: "公无恐,当以诚告。某唐人,处此已七百余年,未尝有至此者。 今公临降, 殆天意欤?某白于世, 必矣。"期仁曰:"愿卒闻之。" 少年羞赧低回,欲说复止。其妻曰:"何害!我则言之。妾夫开元 间长安鬻饼师也, 让皇帝为宁王时, 建第兴庆坊, 吾家适近王邸, 妾夫故儒者,知有安、史之祸,隐于饼以自晦:妾亦躬操井臼, 涤器当垆,不敢以为耻也。王过,见而悦之,妾夫不能庇其伉俪, 遂为所夺, 从入邸中, 妾即以死自誓。终日不食, 竟日不言。王 使人开谕百端, 莫之顾也。一夕, 召妾, 托以程姬之疾, 获免, 如此者月余, 王无奈何, 叱遣归家。当时史官既失妾夫妇姓名, 不复登载,惟《本事集》云: '唐宁王宅畔,有卖饼者妻美, 王取之经岁,问曰:"颇忆饼师否?"召之使见,泪下如雨,王悯 而还之。'殊不知妾入王宫中,首尾只一月,而谓经岁,妾求死而 得出,而谓召之使见:王实未尝问妾,亦未尝召妾夫至也。厚诬 若此,何以堪之?而世之骚人墨客有赋《饼师妇吟》,咏妾事者, 亦皆逞其才思,过于形容,至有句云: '当时夫婿轻一诺,金屋 茆檐两迢递。'呜呼!回思尔时,事出迫夺,薰天之势,妾夫尚敢 喘息耶? 今以轻一诺为妾夫罪, 岂不冤哉? 所谓有恳托公者, 此 也。"期仁曰:"若尔守义,实为可嘉,正须直笔,以励风欲,而 使之昧昧无闻,安得不饮恨于九原,抱痛于百世哉?期仁不敏, 滥以文辞称, 当为子表而出之。但恐相传已久, 胶于见闻, 一旦

厘正,不免入疑,愿得子姓字,以补史氏之缺,可乎?"少年愀然不乐,曰: "若显余姓名人间,则负愧无尽矣,非所愿也。"期仁曰:"然则如之何?"少年曰:"乞以前所去者,辩正足矣。"期仁复问曰:"史称宁王明炳机先,因让储副,号称宗英,乃亦为是不道耶?"少年曰:"此是其常态,尚足怪乎?然在当时诸王中,最为读书好学,虽其负恃恩宠,昧于自见,然见余拙妇以礼自持,终不忍犯,其他宗室所为,犹不足道。若岐王进膳,不设几案,令诸妓各捧一器,品尝之;申王遇冷不向火,置两手于妓怀中,须臾间易数人:薛王则刻木为美人,衣之青衣,夜宴则设以执烛,女乐纷纭,歌舞杂遝,其烛又特异,客欲作狂,辄暗如漆,事毕复明,不知其何术也?如此之类,难以悉举,无非穷极奢淫,灭弃礼法,设若堕其手中,宁复得出?则王之贤又不可不知也。"

酒罢, 夫妇各赠一诗。其夫诗云:

少年十五十六时,隐身下混屠贩儿, 乍可无营坐晦迹,不说有学行求知。 四时活计看垆鏊,八节欢情对酒卮, 紫糖旋泻光滴乳,白面新和软截脂, 大堪纳吉团遮筥,小可弃盘圆叠棋。 火中幻出不亏缺,素手纤纤擎日月; 汉贤逃难亲曾卖,今我和光还自匿; 室中菜妇知同调,窗下儒仲敦高节。 自从结发共糟糠,长能举案共薇蕨。 恰恰伉俪真难保,布服荆钗有人悦。 乐昌明镜一朝分,奉倩寸肠中夜绝。 内家非是少明眸,外舍寒微岂好述? 宝位鸿图既云让,柳姿蒲质底须留? 贫贱只知操井臼,凡庸未解事王侯。 去剑俄然得再合,复流信矣可重收。 愿挥董笔祛疑惑,聊为陈人洗愧羞。

其妻诗曰:

妾家阀阈本寻常, 茆屋衡门环堵墙, 辛勤未暇事妆饰, 婉娩惟知佩礼章。 前年嫁得东邻子, 博学多才贯经史。 致身不愿取功名, 翯饼宁甘溷闾里。 朝朝日出肆门开, 童子高僧杂遝来, 得钱即已随闭户, 促席相看同举杯。 何期忽作韩凭别, 赴水坠楼心已决。 红莲到处诘难汙, 白璧归来完不缺。 当代豪华久已亡, 贞魂万古抱悲伤。 烦公一扫荒唐论, 为传梁鸿与孟光。

期仁玩之再四,收拾囊中,少年即命苍头导客东厅就榻。斯须,远寺钟敲,近村鸡唱,曙色熹徽,晨光晻霭。开目视之,但见身沾露以犹湿,马吃草而未休,四顾阗然,咸无所睹。乃以诗呈二公,皆加赏异,以为真得唐体,命刻之郡东,以永其传。期仁果以文学升至翰苑,八十九而终,遂符远大之说,汤公后守吉安,屡为人道其详如此云。

(《剪灯余话》

凤尾草记

洪武中, 有龙生者本建康人。远祖仕宋为京官, 从降祐孟太 后南迁, 留家江右, 子孙蕃衍, 世守诗书。生行第八, 六七岁时, 长者教以诗,辄能成诵:九龄晓属对,作五、七 言绝句诗皆可观, 众以聪明许之。生有姑适祖氏者,特爱生 生往来姑家甚熟。祖有 异母兄弟,同居各爨。兄殁,惟嫂练 氏及二子三女存。长女,次 女皆适人,惟幼女经室,绝能姿容,长生三岁。生虽少年,颖敏 而驯谨,不好玩弄,且善伺人意,故祖氏一家闻生来,莫不欢喜, 女亦视生如弟兄,不复回避。女母闻生姑称生长进好学,深欲婿 生, 女亦眷眷属目。祖中庭植凤尾一株, 已百年, 生吟啸其侧, 女窥无人,出就生凤尾下,谓生曰:"老母闻令姑说子聪明,欲以 我结好,我亦愿为子妻,托令姑主张,第未审子父母之意然否? 傥姻缘会合,得为夫妇,虽死无憾!不然,我之嫁人,非商家郎, 则耕家子,纵金玉满堂,田连阡陌,不愿也。"生应曰:"得子为 配,足慰平生。"因指凤尾誓之曰:"若余事成,开花结子;事若 不成,根枯叶死。"誓毕散去。生盘桓祖氏,大小悦之,女尤敬慕 焉,尝亲捧茶与生。生取茶回,女戏曰:"茶已吃矣,不患不成。" 家人闻之,亦不问也。会生姑与练妯娌参商,阳为怂恿,阴实泪 之,故生父母犹豫,女未知也。生以告女曰:"子既未便开亲,我 亦不即纳聘, 当与老母谋, 必得子为妇, 然后已。"女家贫, 未有 缯纩之饰, 粉黛之施, 而荆钗布裙, 略无垢污, 下至足缠, 亦洁 白如雪,兼之赋性和柔,婉娩特甚,机杼之精,剪制之巧,为一

族冠;二嫂酷妒之,女不较也。生重其为人,愈有伉俪意。然难得良媒,姑又不力赞,两下迁延,迟迟岁月。生既冠,去事举子业,女家踪迹稀矣。然女念生,未尝去怀,惟母知其情,喻之曰:"吾又遣人往彼,谈汝姻事,早晚当有定议,汝勿煎熬,徒损容貌。"逾时生至,虽住姑家,而意在于女。留数日,二嫂俱归宁,女独纺小楼上。楼下一深巷通后园,巷半砖砌磴道以登,生从园中还,闻女车声,径奔女所。女见生来,喜气溢面,辍纺叙礼,与生对坐,且纺且谈。因以己年庚告生,使生推算,卜其谐否。又与生话家世甚悉。生感其意,口占一诗赠之。诗曰:

曲阑深处一枝花,浓艳何曾识露华? 素质白攒千瓣玉,香肌红映六铢纱。 金铃有意频相护,绣幄无情若见遮; 凭仗东皇须著力,向人开处莫教差。

女不甚读书,识字而已,语生曰:"子宜解说,俾我闻之。" 生一一敷绎其义。女笑曰:"他日得侍房帷,子必教我,我虽愚暗, 久当能之。"生曰:"妇人女子,偏是聪明,以子慧心,学之易易。" 因代为答诗曰:

> 深谢韶光染色浓,吹开准拟倩东风; 生愁夕露凝珠泪,最怕春寒损玉容。 嫩蕊折时飘蝶粉,芳心破处点猩红; 金盘华屋如堪荐,早入雕阑十二重。

生复缕缕,为详诗意。女曰:"常闻子才调敏捷,今观信然, 使我倾仰弥切!"因目生久之,曰:"子精神意气,决非庸人,后 当贵显,我欲以蒲柳之质为托者,非有他也。以父早亡,母年渐 老,长兄书写公门,次兄陷身吏役,二嫂悍恶,子所深知。但得远离凶犷,获托丝萝,子纵无官,不为命妇,亦不失为士人之妻。万一流落俗子手中,有死而已,惟子念之图之。"生自初悦其貌,不料其淑懿有识若此,自是拳拳婚议,惟恐蹉跎。俄而女兄果以吏败,家事亦落。生父母无意缔盟,谢而辞之,遂觖望矣。生私作长歌一篇寄焉,歌曰:

我昔正髫年, 笑骑竹马君床边; 手持青梅共君戏, 君身似玉颜如莲。 爱我聪明耽笔砚, 鸑鸑文章紫骝健。 风鬟雾鬓绯染唇, 凤尾丛边几回见。 层楼窈窕洞房深, 春纤缕缕抽冰线; 蹇修不来奈若何? 罗带同心竟乖愿; 绣襦甲帐隔天涯, 未解离魂学张倩; 君知许嫁谁人家! 我行射策黄金殿。 回首清河梦寐中, 目断巫山泪如霰。

一日,女母留姻戚家,二嫂寻衅,与女大闹。女深处闺阁,性复善良,莫敢出言,又不能骂,然不胜愤。兼之晋约秦盟,遽然断绝,凄凉憔悴,踽踽无聊,是夕竟缢死楼上。母归,哭之恸!手自洗殓,于胸前得一绣囊,密贮杏笺一幅,视之乃生所寄之诗也。母不违其意,仍置棺中。生闻女死,托以省姑,走串焉。至则珠沉璧碎,玉损花飞,将入木矣。生涕泪如雨,悲不能堪,送归葬所,掩圹成坟而归。后数年,生果高科要职,烜赫于时,虽别娶妻妾,意不忘女。常与天师无为张真人论鬼神,偶及女事。

真人见生切切,为飞章拔之。载数日,生梦女曰:"妾从辞世,二十余年,阴府查籍,以妾当生三子,寿至六十,数未克终,卒于非命,俾再为女人,了其夙业。而昨蒙真人道力,天符急下,今往河南府洛阳县城胡氏家为男子矣。感君深爱,生死不忘,但恨无以奉报耳。然君方当富贵,位极人臣,福寿丰隆,子孙昌盛。"言讫,拜谢而去,行数步,复回顾云:"郎善自珍,妾永逝矣。"倏然而灭。生既觉,殆无以为怀,遣人往女家视凤尾,枯死已数年矣。生遂作《哀凤尾歌》传于世云:

有草有草名凤尾,仙人种在丹山里: 世间百卉避芳菲, 珊瑚宝树差堪比。 鬖影绝似凤凰翎,号以佳名同凤称; 海上行迟珠露湿,洞箫品彻彩云停。 娟娟旎旎犹贞静, 琉璃刻叶琅玕柄: 九 着健翮时下来, 五色奇文烂相映。 日影照耀晴筛金, 盛夏翛翛风满林: 艳阳不作桃李杰,晚岁实坚松柏心。 华堂清处摇新翠,曾与飞琼翠阴会: 倚从未许暂偷香,指树惟期终作配。 那知万事总非真! 幽芳淑质俱成尘; 绮槛灵根凋百岁,绣房丽色殒三春: 凤兮偶昨来过此,弄玉台倾凤尾死; 鸳鸯瓦落野棠青, 孔雀屏欹土花紫。 感时抚旧恨悠悠,碧羽琼蕤万古休: 败砌颓垣蛩弔月, 荒烟老树鸟归秋。 花草重栽春又绽,镜破钗离永分散; 因歌凤尾寓深衷,留与多情后人叹。

(《剪灯余话》)

庄子休鼓盆成大道

富贵五更春梦,功名一片浮云,眼前骨肉亦非真,恩爱翻成仇恨。莫把金枷套颈,休将玉锁缠身。清心寡欲脱凡尘,快乐风 光本分。

这首《西江月》词,是个劝世之言。要人割断迷情,逍遥自在。且如父子天性,兄弟手足,这是一本连枝,割不断的。儒、释、道,三教虽殊,总抹不得孝弟二字。至于生子生孙,就是下一辈事,十分周全不得了。常言道得好:

儿孙自有儿孙福, 莫与儿孙作马牛。

若论到夫妇,虽说是红线缠腰,赤绳系足,到底是剜肉粘肤,可离可合。常言又说得好:

夫妻本是同林鸟,巴到天明各自飞。

近世人情恶薄,父子兄弟倒也平常,儿孙虽是疼痛,总比不得夫妇之情。他溺的是闺中之爱,听的是枕上之言。多少人被妇人迷惑,做出不孝不弟的事来。这断不是高明之辈。如今说这庄生鼓盆的故事,不是唆人夫妻不睦,只要人辩出贤愚,参破真假。

从第一着迷处,把这念头放淡下来。渐渐六根清净,道念滋生, 自有受用。昔人看田夫插秧,咏诗四句,大有见解。诗曰:

> 手把青秧插野田,低头便见水中天。 六根清净方为稻,退步原来是向前。

语说周末时,有一高贤,姓庄名周,字子休,宋国蒙邑人也。 曾仕周为漆园吏。师事一个大圣人,是道教之祖,姓李名耳,字 伯阳。伯阳生而白发,人都呼为老子。庄生常昼寝,梦为蝴蝶, 栩栩然干园林花草之间, 其意其适。醒来时, 尚觉臂膊如两翅飞 动,心甚异之。以后不时有此梦。庄生一日在老子座间讲易之暇, 将此梦诉之于师。却是个大圣人,晓得三生来历。向庄生指出夙 世因由, 那庄生原是混沌初分时一个白蝴蝶。天一生水, 二生木, 木荣花茂, 那白蝴蝶采花之精, 夺日月之秀, 得了气候, 长生不 死, 翅如车轮, 后游于瑶池, 偷采蟠桃花蕊, 被王母娘娘住下守 花的青鸾啄死。其神不散, 托生于世, 做了庄周。因他根器不凡, 道心坚固, 师事老子, 学清净无为之教。今日被老子点破了前生, 如梦初醒。自觉两腋风生,有栩栩然蝴蝶之意。把世情荣枯得丧, 看做行云流水,一丝不挂。老子知他心下大悟,把道德五千字的 秘诀, 倾囊而授。庄生嘿嘿诵习修炼, 遂能分身隐形, 出神变化。 从此弃了漆园吏的前程,辞别老子,周游访道。他虽宗清净之教, 原不绝夫妇之伦。一连娶过三遍妻房。第一妻,得疾夭亡:第二 妻,有过被出:如今说的是第三妻,姓田,乃田齐族中之女。庄 生游于齐国。田宗重其人品,以女妻之。那田氏比先前二妻,更 有姿色。肌肤若冰雪,绰约似神仙。庄生不是好色之徒,却也十 分相敬。真个如鱼似水。楚戚王闻庄生之贤, 遣使持黄金百镒,

文锦千端,安车驷马,聘为上相。庄生叹道:"牺牛身被文绣,口食刍菽,见耕牛力作辛苦,自夸其荣。及其迎入太庙,刀俎在前,欲为耕牛不可得也。"遂却之不受。挈妻归宋,隐于曹州之南华山。一日,庄生出游山下,见荒冢累累,叹道:"老少俱无辩,贤愚同所归。'人归冢中,冢中岂能复为人乎?"嗟咨了一回。再行几步,忽见一新坟,封土未乾。一年少妇人,浑身缟素,坐与此冢之傍,手运齐纨素扇,向冢连扇不已。庄生怪而问之:"娘子,冢中所葬何人?为何举扇扇土?必有其故。"那妇人并不起身,运扇如故。口中莺啼燕语,说出几句不通道理的话来。正是:

听时笑破千人口,说出加添一段羞。

那妇人道:"冢中乃妾之拙夫,不幸身亡,埋骨于此。生时与妾相爱,死不能舍。遗言教妾如要改适他人,直待葬事毕后,坟上乾了,方才可嫁。妾思新筑之土,如何得就乾。因此举扇扇之。"庄生含笑,想到:"这妇人好性急!亏他还说生前相爱。若不相爱的,还要怎么?"乃问道:"娘子,要这新土乾燥极易。因娘子手腕娇软,举扇无力。不才愿替娘子一臂之劳。"那妇人方才起身,深深道个万福:"多谢官人!"双手将素白纨扇,递与庄生。庄生行起道法,举手照冢顶连扇数扇,水气都尽,其土顿乾。妇人笑容可掬,谢道:"有劳官人用力。"将纤手向鬓傍拔下一股银钗,连那纨扇送庄生,权为相谢。庄生却其银钗,受其纨扇。妇人欣然而去。庄子心下不平。回到家中,坐与草堂,看了纨扇,口中叹出四句:

不是冤家不聚头 冤家相聚几时休?

早知死后无情义 索把生前思爱勾。

田氏在背后,闻得庄生嗟叹之语,上前相问。那庄生是个有道之士,夫妻之间亦称为先生。田氏道:"先生有何事感叹?此扇从何而得?"庄生将妇人扇冢,要土乾改嫁之言述了一遍。"此扇即扇士之物。因我助力,以此相赠。"田氏听罢,忽发忿然之色,向空中把那妇人"千不贤,万不贤"骂了一顿。对庄生道:"如此薄情之妇,世间少有!"庄生又道出四句:

田氏闻言大怒。自古道:"怨废亲,怒废礼。"那田氏怒中之言,不顾体面,向庄生面上一啐,说道:"人类虽同,贤愚不等。你何得轻出此语,将天下妇道家看做一例?却不道歉人带累好人。你却也不怕罪过!"庄生道: "莫要弹空说嘴。假如不幸我庄周死后,你这般如花似玉的年纪,难道捱得过三年五载?"田氏道:"忠臣不事二君,烈女不更二夫。'那见好人家妇 女吃两家茶睡两家床,若不境轮到我身上,这样没廉耻的事,莫说三年五载,就是一世也成不得。梦儿里也还有三分的志气。"庄生道:"难说,难说!"田氏口出詈语道:"有志妇人胜如男子。似你这般没仁没义的,死了一个,又讨一个,出了一个,又纳一个。只道别人也是一般见识。我们妇道家一鞍一马,倒是站得脚头定的。怎么肯把话与他人说,惹后世耻笑。你如今又不死,直恁枉杀了人!"就庄生手中,夺过纨扇,扯得粉碎。庄生道:"不必发怒,只愿得如此争气甚好!"自此无话。

过了几日, 庄生忽然得病。日加沉重。田氏在床头, 哭哭啼

啼。庄生道: "我病势如此,永别只在早晚,可惜前日纨扇扯 碎了, 留得在此, 好把与你扇坟!"田氏道:"先生休要多心! 妾 读书知礼,从一而终,誓无二志。先生若不见信,妾愿死于先生 之前,以明心迹。"庄生道:"足见娘子高志。我庄某死亦瞑目。" 说罢,气就绝了。田氏抚尸大哭。少不得央及东邻西舍,制备衣 **衾棺椁殡殓。田氏穿了一身素缟,真个朝朝忧闷,夜夜悲啼。每** 想着庄生生前恩爱,发痴如醉,寝食俱废。山前山后庄户,也有 晓得庄生是个逃名的隐士,来吊孝的,到底不比城市热闹。到了 第七日, 忽有一年少秀士, 生得面如傅粉, 唇若涂朱, 俊俏无双, 风流第一。穿扮的紫衣玄冠,绣带朱履。带着一个老苍头,自称 楚国王孙, 向年曾与庄子先生有约, 欲拜在门下, 今日特来相访。 见庄生已死,口称:"可惜!"慌忙脱下色衣,叫苍头于行囊内取 出素服穿了,向灵前四拜道:"庄先生,弟子无缘,不得面会侍教, 愿为先生执百日之丧,以尽私淑之情。"说罢,又拜了四拜,洒泪 而起。便请田氏相见。田氏初次推辞。王孙道:"古礼,通家朋友, 妻妾都不相避,何况小子与庄先生有师弟之约。"田氏只得步出孝 堂,与楚王孙相见,叙了寒温。田氏一见楚王孙人才标致,就动 了怜爱之心。只恨无由厮近。楚王孙道:"先生虽死,弟子难忘思 慕。欲借尊居,暂住百日;一来守先师之丧,二者先师留下有什 么著述,小子告借一观,以领遗训。"田氏道:"通家之谊,久住 何妨。"当下治饭相款。饭罢,田氏将庄子所著《南华真经》及《老 子道德》五千言,和盘托出,献与王孙。王孙殷勤感谢。草堂中 间占了灵位。楚王孙在左边厢安顿。田氏每日假以哭灵为由,就

左边厢,与王孙攀话。日渐情熟,眉来眼去,情不能己。楚王孙 只有五分,那田氏倒有十分,所喜者深山隐僻,就做差了些事, 没人传说: 所恨者新丧未久, 况且女求于男, 难以启齿。又捱了 几日,约莫有半月了。那婆娘心猿意马,按捺不住。悄地唤老苍 头讲房, 赏以美酒, 将好言抚慰。从容问: "你家主人曾婚配否?" 老苍头道:"未曾婚配。"婆娘又问道:"你家主人要拣什么样人物 才肯婚配?"老苍头带醉道:"我家王孙曾有言,若得你娘子一般 丰韵的,他就心满意足。"婆娘道:"果有此话,莫非你说谎?" 老苍头道:"老汉一把年纪,怎么说谎?"婆娘道:"我央你老人 家为媒说合。若不弃嫌, 奴家情愿服事你主人。" 老苍头道:"我 家主人也曾与老汉说来,道一段好姻缘,只碍师弟二字,恐惹人 议论。"婆娘道:"你主人与先夫,原是生前空约,没有北面听教 的事, 算不得师弟。又且山僻荒居, 邻舍罕有, 谁人议论! 你老 人家是必委曲成就,教你吃杯喜酒。"老苍头应允。临去时,婆娘 又唤转来嘱付道:"若是说得允时,不论早晚,便来房中,回复奴 家一声。奴家在此专等。"老苍头去后,婆娘悬悬而望。孝堂边张 了数十遍,恨不能一条细绳缚了那俏俊生后脚扯将人来,搂做一 处。将及黄昏,那婆娘等个不耐烦,黑暗里走入孝堂,听左边厢 声息。忽然灵座上作响。婆娘吓了一跳,只道亡灵出现。急急走 转内室,取灯火来照,原来是老苍头吃醉了,直挺挺的卧于灵座 桌上。婆娘又不敢嗔责他,又不敢声唤他,只得回房。捱更捱点, 又过了一夜。次日,见老苍头行来步去,并不来回复那话儿。婆 娘心下发痒,再唤他讲房,问其前事。老苍头道:"不成不成!" 婆娘道:"为何不成?莫非不曾将昨夜这些话剖豁白?"老苍头道:

"老汉都说了,我家王孙也说得有理。他道'娘子容貌,自不必 言。未拜师徒,亦可不论。但有三件事未妥,不好回复得娘子。" 婆娘道:"那三件事?"老苍头道:"我家王孙道:'堂中摆着凶器, 我却与娘子行吉礼,心中何忍,且不雅相。二来庄先生与娘子是 恩爱夫妻,况且他是个有道德的名贤,我的才学万分不及,恐被 娘子轻薄。三来我家行李尚在后边未到,空手到此,聘礼宴席之 费,一无所惜。为此三件,所以不成。"婆娘道:"这三件都不必 虑。凶器不是生根的,屋后还有一间破空房, 唤几个庄客抬他出 去就是。这是一件了。第二件,我先夫那里就是个有道德的名贤! 当初不能正家, 致有出妻之事, 人称其薄德。楚威王慕其虚名, 以厚礼聘他为相。他自知才力不胜, 逃走在此。前月独行山下, 遇一寡妇,将扇扇坟,待坟土乾燥,方才嫁人。拙夫就与他调戏, 夺他纨扇, 替他扇土, 将把纨扇带回, 是我扯碎了。临死时几日 还为他淘了一场气,又什么恩爱!你家主人青年好学,进不可量。 况他乃是王孙之贵, 奴家亦是田宗之女, 门地相当。今日到此, 姻缘天合。第三件,娉请宴席之费, 奴家做主, 谁人要得聘礼! 宴席也是小事。奴家更积得私房白金二十两,赠与你主人,做一 套新衣服。你再去道达。若成就时,今夜是合婚吉日,便要成亲。" 老苍头收了二十两银子, 回复楚王孙。楚王孙只得顺从。老苍头 回复了婆娘。那婆娘当时欢天喜地,把孝服除下,重勾粉面,再 点朱唇, 穿了一套新鲜色衣, 叫苍头顾唤近山庄客, 扛抬庄生尸 柩,停于后面破屋之内。打扫草堂,准备做合婚宴席。有诗为证: 俊俏孤孀别样娇, 王孙有意更相挑。

一鞍一马谁人语? 今夜思将快婿招。

是夜,那婆娘收拾香房,草堂内摆得灯烛辉煌。楚王孙簪缨 袍服, 田氏锦袄绣裙, 双双立于花烛之下。一对男女, 如玉琢金 装,美不可说。交拜已毕,千恩万爱的,携手入于洞房。吃了合 **卺杯**,正欲上床解衣就寝。忽然楚王孙眉头双皱, 寸步难移, 登 时倒于地下,双手磨胸,只叫心疼难忍。田氏心爱王孙,顾不得 新婚廉耻, 近前抱住, 替他抚摸, 问其所以。王孙痛极不语, 口 叶涎沫, 奄奄欲绝。老苓头慌做一堆。田氏道:"王孙平日曾有此 症候否?"老苍头代言:"此症平日常有。或一二年发一次。无药 可治。只有一物,用之立效。"田氏急问:"所用何物?"老苍头 道:"太医传一奇方,必得生人脑髓热酒吞之,其痛立止。平日此 病举发,老殿下奏过楚王,拨一名死囚来,缚而杀之,取其脑髓。 今山中如何可得?其命合休矣!"田氏道: "生人脑髓,必不可 致。第不知死人的可用得么?"老苍头道:"太医说,凡死未满四 十九日者, 其脑尚未乾枯, 亦可取用。"田氏道: "吾夫方死二十 余日,何不断棺而取之?"老苍头道:"只怕娘子不肯。"田氏道: "我与王孙成其夫妇,妇人以身事夫,自身尚且不惜,何有于将 朽之骨平?即命老苓头扶侍王孙,自己寻了砍柴板斧,右手提斧, 左手携灯,往后边破屋中,将灯檠放于棺盖之上,觑定棺头,双 手举斧,用力劈去。妇人家气力单微,如何劈得棺开?有个缘故, 那庄周是达生之人,不肯厚殓。桐棺三寸,一斧就劈去了一块木 头。再一斧去, 棺盖便裂开了。只见庄生从棺内叹口气, 推开棺 盖,挺身坐起。田氏虽然心狠,终是女流,吓得腿软筋麻,心头 乱跳,斧头不觉坠地。庄生叫:"娘子扶我起来。"那婆娘不得已,

只得扶庄生出棺。庄生携灯,婆娘随后同进房来。婆娘心知房中有楚王孙主仆二人,捏两把汗。行一步,反退两步。比及到房中看时,铺设依然灿烂,那主仆二人,阒然不见。婆娘心下虽然暗暗惊疑,却也放下了胆,巧言抵饰,向庄生道: "奴家自你死后,日夕思念。方才听得棺中有声响,想古人中多有还魂之事,望你复活,所以用斧开棺,谢天谢地,果然重生!实乃奴家之万幸也!"庄生道:"多谢娘子厚意。只是一件,娘子守孝未久,为何锦袄绣裙?"婆娘又解释道:"开棺见喜,不敢将凶服冲动,权用锦绣,以取吉兆。"庄生道: "罢了!还有一节,棺木何不放在正寝,却撇在破屋之内;难道也是吉兆!"婆娘无言可答。庄生又见杯盘罗列,也不问其故,教暖酒来饮。庄生放开大量,满饮数觥。那婆娘不达时务,指望煨热老公,重做夫妻,紧捱着酒壶,撒桥撒痴,甜言美语,要哄庄生上床同寝。庄生饮得酒大醉,索纸笔写出四句:

从前了却冤家债,你爱之时我不爱。 若重与你做夫妻,怕你斧劈天灵盖。

那婆娘看了这四句诗,羞惭满面,顿口无言。庄生又写出四句:

夫妻百夜有何恩?见了新人忘旧人。 甫得盖棺遭斧劈,如何等待扇乾坟!

庄生又道:"我则教你看两个人。"庄生用手将外面一指,婆娘回头而看,只见楚王孙和老苍头踱将进来。婆娘吃了一惊。转身不见了庄生:再回头时,连楚王孙主仆都不见了。——那里有

什么楚王孙,老苍头,此皆庄生分身隐形之法也。——那婆娘精神恍惚,自觉无颜。解腰间绣带,悬梁自缢,呜呼哀哉!这倒是真死了。庄生见田氏已死,解将下来,就将劈破棺木盛放了他,把瓦盆为乐器,鼓之成韵,倚棺而作歌。歌曰:

大块无心兮,生我与伊。我非伊夫兮,伊非我妻。偶然邂逅兮,一室同居。大限既终兮,有合有离。人之无良兮,生死情移。 真情既见兮,不死何为!伊生兮拣择去取,伊死兮还返空虚,伊 吊我兮,赠我以巨斧;我吊伊兮,慰伊以歌词。斧声起兮我复活, 歌声发兮伊可知!敲碎瓦盆不再鼓,伊是何人我是谁!庄生歌罢, 又吟诗四句:

> 你死我必埋,我死你必嫁。 我若真个死,一场大笑话!

庄生大笑一声,将瓦盆打碎。取火从草堂放起,屋宇俱焚,连棺木化为灰烬。只有《道德经》,《南华经》不毁。山中有人检取,传流至今。庄生遨游四方,终身不娶。或云:"遇老子于函谷关,相随而去,已得大道成仙矣。"诗云:

杀妻吴起太无知, 荀令伤神亦可嗤。 请看庄生鼓盆事, 逍遥无碍是吾师。

(《警世恒言》)

灌园曳晚逢仙女

连宵风雨闭柴门,落尽深红只柳存。 欲扫苍苔且停帚,阶前点点是花痕。

这首诗,为惜花而作。

昔唐时有一处士,姓崔,名玄微,平昔好道,不娶妻室,隐 于洛东。所居庭院宽敞,遍植花卉竹木。构一室在万花之中,独 处于内。童仆都居苑外,无故不得辄入。如此三十余年,足迹不 出园门。时值春日,院中花木盛开。玄微日夕徜徉其间。

一夜,风清月朗,不忍舍花而睡。乘着月色,独步花丛中。忽见月影下一青衣,冉冉而来。玄微惊讶道:"这时节那得有女子到此行动?"心中虽然怪异,又想道:"且看他到何处去。"那青衣不往东,不往西,径至玄微面前,深深道个万福。玄微还了礼,问道:"女郎是谁家宅眷?因何深夜到此?"那青衣启一点朱唇,露两行碎玉,道:"我家与处士相近。今与女伴过上东门访表姨,欲借处士院中暂憩,不知可否?"玄微见来得奇异,欣然许之。青衣称谢,原从旧路转去。不一时,引一队女子,分花约柳而来,与玄微一一相见。玄微就月下仔细看时,一个个姿容媚丽,体态轻盈,或深或淡,妆束不一。随从女郎,尽皆妖艳。正不知从那里来的。

相见毕,玄微邀进室中,分宾主坐下,开言道:"请问诸位女郎姓氏。今访何姻戚,乃得光降敝园?"一衣绿裳者答道:"妾乃杨氏。"指一穿白的道:"此位李氏。"又指一衣绛服的道:"此位

陶氏。"遂逐一指示。最后到一绯衣小女,乃道:"此位姓石,名阿措。我等虽则异姓,俱是同行姊妹。因封家十八姨,数日云欲来相看,不见其至。今夕月色甚佳,故与姊妹们同往候之。二来素蒙处士爱重,妾等顺便相谢。"玄微方待酬答,青衣报道:"封家姨至。"众皆惊喜出迎。玄微闪过半边观看。众女子相见毕,说道:"正要来看十八姨,为主人留坐,不意姨至,足见同心。"各向前致礼。十八姨道:"屡欲来看卿等,俱为使命所阻。今乘闲至此。"众女道:"如此良宵,请姨宽坐,当以一尊为寿。"遂授旨青衣去取。十八姨问道:"此地可坐否?"杨氏道:"主人甚贤,地极清雅。"十八姨道:"主人安在?"玄微趋出相见。举目看十八姨,体态飘逸,言词泠泠,有林下风气。近其傍,不觉寒气侵肌,毛骨竦然。逊入堂中,侍女将桌椅已是安排停当。请十八姨居于上席。众女挨次而坐。玄微未位相陪。

不一时,众青衣取到酒肴,摆设上来,佳肴异果,罗列满案,酒昧醇浓,其甘如饴,俱非世人所有。此时月色倍明,室中照耀如同白日。满座芳香,馥馥袭人。宾主酬酢,杯觥交杂。酒至半酣,一红裳女子满斟大觥,送与十八姨,道:"儿有一歌,请为歌之。"歌云:

绛衣披拂露盈盈,淡染胭脂一朵轻。 自恨红颜留不住,莫怨春风道薄情。

歌声清婉,闻者皆凄然。又一白衣女子送酒道:"儿亦有一歌。"歌云:

皎洁玉颜胜白雪,况乃当年对芳月。 沉吟不敢怨春风,自叹容华暗消歇。 其音更觉惨切。

那十八姨性颇轻佻,却又好酒。多了几杯,渐渐狂放。听了二歌,乃道:"值此芳辰美景,宾主正欢,何遽作伤心语?歌旨又深刺予,殊为慢客。须各罚以大觥。当另歌之。"遂手斟一杯递来。酒醉手软,持不甚牢,杯才举起,不想袖在箸上一兜,扑碌的连杯打翻。这酒若翻在别个身上,却也罢了。恰恰里尽泼在阿措身上。阿措年娇貌美,性爱整齐,穿的却是一件大红簇花绯衣。那红衣最忌的是酒,才沾点滴,其色便败。怎经得这一大杯酒?况且阿措也有七八分酒意,见污了衣服,作色道:"诸姊妹有所求,吾不畏尔!"即起身往外就走。十八姨也怒道:"小女弄酒,敢与吾为抗耶?"亦拂衣而起。众女子留之不住,齐劝道:"阿措年幼,醉后无状,望勿记怀。明日当率来请罪。"相送下阶。十八姨忿忿向东而去。众女子与玄微作别,向花丛中四散行走。

玄微欲观其踪迹,随后送之。步急苔滑,一交跌倒。挣起身来看时,众女子俱不见了。心中想道:"是梦,却又未曾睡卧;若是鬼,又衣裳楚楚,言语历历;是人,如何倏然无影?"胡猜乱想,惊疑不定。回入堂中,桌椅依然摆设,杯盆一毫已无,惟觉余馨满堂。虽异其事,料非祸祟。却也无惧。到次晚,又往花中步玩。见诸女子已在。正劝阿措往十八姨处请罪。阿措怒道:"何必更恳此老媪!有事只求处士足矣。"众皆喜道:"妹言甚善。"齐向玄微道:"吾姊妹皆住处士苑中,每岁多被恶风所挠,居止不安。常求十八姨相庇护。昨阿措误触之,此后应难借力,处士倘肯庇护,当有微报耳。"玄微道:"某有何力得庇诸女?"阿措道:"但

求处士每岁元旦,作一朱幡,上图日月五星之文,立于苑东。吾辈则安然无恙矣。今岁已过,请于此月二十一日平旦,微有东风,即立之,可免本日之难。"玄微道:"此乃易事,敢不如命。"齐声谢道:"得蒙处士慨允,必不忘德。"言讫而别。其行甚疾,玄微随之不及。忽一阵香风过处,各失所在。

玄微欲验其事,次日即制办朱幡。候至廿一日,清早起来, 果然东风微拂。急将幡竖立苑东。少顷,狂风振地,飞沙走石, 自洛南一路,摧林折树,惟苑中繁花不动。玄微方悟诸女皆众花 之精也。绯衣名阿措,即安石榴也。封十八姨,乃风神也。到次 晚,众女各裹桃李花数斗来谢道:"承处士脱某等大难,无以为报。 饵此花英,可延年却老。愿长如此卫护,某等亦可致长生。"玄微 依其言服之,果然容颜转少,如三十许人。后得道仙去。有诗为 证:

> 洛中处士爱栽花,历历朱幡绘采茶。 学得餐英堪不老,何须更觅枣如瓜?

列位莫道小子说风神与花精往来,乃是荒唐之语。那九州四海之中,目所未见,耳所未闻,不载史册,不见经传,奇奇怪怪,跷跷蹊蹊的事,不知有多多少少。就是张华的"博物志",也不过志其一二;虞世南的行书厨,也包藏不得许多。此等事甚是平常,不足为异。然虽如此,又道是子不语怪,且阁过一边。只那惜花致福,损花折寿,乃见在功德,须不是乱道。列位若不信时,还有一段《灌园叟晚逢仙女》的故事,待小子说与列位看官们听。若平日爱花的听了,自然将花分外珍重。内中或有不惜花的,小子就将这话劝他惜花起来。虽不能得道成仙,亦可以消闲遣闷。

你道这段话文出在那个朝代?何处地方?就在大宋仁宗年间,江南平江府东门外长乐村中。这村离城只有二里之远。村上有个老者,姓秋,名先,原是庄家出身,有数亩田地,一所草房。妈妈水氏已故,别无儿女。

那秋公从幼酷好栽花种果,把田业都弃撇了,专于其事。倘 偶觅得种异花,就是拾得珍宝,也没有这般欢喜。随你极紧要的 事出外,路上逢着人家有树花儿,不管他家容不容,便陪着笑脸, 捱进去求玩。若平常花木,或家里也在正开,还转身得快;倘然 是一种名花,家中没有的。或虽有,已开过了,便将正事撇在半 边,依依不舍,永日忘归。人都叫他是"花痴"。或遇见卖花的, 有株好花,不论身边有钱无钱,一定要买。无钱时便脱身上衣服 去解当。也有卖花的知他癖性,故高其价,也只得忍贵买回。又 有那破落户晓得他是爱花的,各处寻觅好花折来,把泥假捏个根 儿哄他,少不得也买。有恁般奇事:将来种下,依然肯活。日积 月累,遂成了一个大园。

那园周围编竹为篱;篱上交缠蔷薇、荼蘼、木香、刺梅、木槿、棣棠、金雀;篱边撒下蜀葵、凤仙、鸡冠、秋藓、莺粟等种;更有那金萱、百合、剪春罗、前秋罗、满地娇、十样锦、美人蕉、山踯躅、高良姜、白蛱蝶、夜落金钱、缠枝牡丹等类,不可枚举。遇开放之时,烂如锦屏。远篱数步,尽植名花异卉。一花未谢,一花又开。向阳设两扇柴门,门内一条竹径,两边都结柏屏遮护。转过柏屏,便是三间草堂。房虽草覆,却高爽宽敞,窗槅明亮。堂中挂一幅无名小画,设一张白木卧榻。桌凳之类,色色洁净。

打扫得地下无纤毫尘垢。堂后精舍数间,卧室在内。那花卉无所不有,十分繁茂。真个四时不谢,八节长春。但是:

梅标清骨,兰挺幽芳。茶呈雅韵,李谢浓妆。杏娇疏雨,菊傲严霜。水仙冰肌玉骨,牡丹国色天香。玉树亭亭阶砌,金莲冉冉池塘。芍药芳姿少比,石榴丽质无双。丹桂飘香月窟,芙蓉冷艳寒江。梨花溶溶夜月,桃花灼灼朝阳。山茶花宝珠称贵,腊梅花磬口方香。

海棠花,西府为上;瑞香花,金边最良。玫瑰杜鹃,烂如云锦;绣球郁李,点缀风光。说不尽千般花卉,数不了万种芬芳。

篱门外正对着一个大湖,名为朝天湖,俗名荷花荡。这湖东连吴淞江,西通震泽,南接庞山湖。湖中景致,四时晴雨皆宜。秋先于岸旁堆土作堤,广植桃柳。每至春时,红绿间发,宛如西湖胜景。沿湖遍插芙蓉。湖中种五色莲花。盛开之日,满湖锦云烂熳,香气袭人。小舟荡桨采菱,歌声泠泠。遇斜风微起,偎船竞渡,纵横如飞。柳下渔人,舣船晒网。也有戏鱼的,结网的,醉卧船头的,泅水赌胜的,欢笑之音不绝。那赏莲游人,画船箫管鳞集。至黄昏回棹,灯火万点,间以星影萤光,错落难辨。深秋时,霜风初起,枫叶渐染黄赭。野岸衰柳芙蓉,杂间白苹红蓼,掩映水际。芦草中鸿雁群集,嘹呖干云,哀声动人。隆冬天气,彤云密布,六花飞舞,上下一色。那四时景致,言之不尽。有诗为证:

朝天湖畔水连天,不唱渔歌即采莲。 小小茅堂花万种,主人日日对花眠。

按下散言。且说秋先每日清晨起来, 扫净花底落叶, 汲水逐

一灌溉。到晚上又浇一番。若有一花将开,不胜欢跃。或暖壶酒儿,或烹瓯茶儿,向花深作揖,先行浇奠,口称"花千岁"三声,然后坐于其下,浅斟细嚼。酒酣兴到,随意歌啸。身子倦时,就以石为枕,卧在根旁。自半含至盛开未尝暂离。如见日色烘烈,乃把棕拂蘸水沃之,遇着月夜,便连宵不寐;倘值了狂风暴雨,即披蓑顶笠,周行花间检视,遇有欹枝,以竹扶之。虽夜间,还起来巡看几次。若花到谢时,则累日叹息,常至坠泪。又不舍得那些落花,以棕拂轻轻拂来,置于盘中,时尝观玩,直至干枯,装入净瓮。满瓮之日,再用茶酒浇奠,惨然若不忍释,然后亲捧其瓮,深埋长堤之下,谓之"葬花"。倘有花片被雨打泥污的,必以清水再四洗净,然后送入湖中,谓之"浴花"。平昔最恨的是攀枝折朵。

他也有一段议论,道:"凡花一年止开得一度,四时中只占得一时,一时中又占得数日,他熬过了三时的冷淡,才讨得这数日的风光。看他随风而舞,迎人而笑,如人正当得意之境,忽被摧残,巴此数日甚难,一朝折损甚易。花若能言,岂不嗟叹?况就此数日间,先犹含蕊,后复零残,盛开之时,更无多了。又有蝶攒蜂采,鸟啄虫钻,日炙风吹,雾迷雨打,全仗人去护惜他,却反恣意拗折,于心何忍?且说此花自芽生根,自根生本,强者为干,弱者为枝,一干一枝,不知养成了多少年月。及候至花开,供人清玩,有何不美,定要折他?花一离枝,再不能上枝;枝一去干,再不能附干:如人死不可复生,刑不可复赎。花若能言,敢不悲泣?又想他折花的,不过择其巧干,爱其繁枝,插之瓶中,

置之席上,或供宾客片时侑酒之欢,或助婢妾一日梳妆之饰,不 思客觞可饱玩于花下,闺妆可借巧于人工。手中折了一枝,树上 就少了一枝。今年伐了此干,明年便少了此干。何如延其性命, 年年岁岁,玩之无穷乎?还有未开之蕊,随花而去,此蕊竟槁减 枝头,与人之童夭何异?又有原非爱玩,趁兴攀折;既折之后, 拣择好歹,逢人取讨,即便与之,或随路弃掷,略不顾惜;如人 横祸枉死,无处申冤。花若能言,岂不痛恨?"

他有了这段议论,所以生平不折一枝,不伤一蕊。就是别人家园上,他心爱着那一种儿,宁可终日看玩。假饶那花主人,要取一枝一朵来赠他,他连称"罪过",决然不要,若有旁人要来折花者,只除他不看见罢了。他若见时,就把言语再三劝止。人若不从其言,他情愿低头下拜,代花乞命。人虽叫他是"花痴",多有可怜他一片诚心,因而住手者。他又深深作揖称谢。又有小厮们要折花卖钱的,他便将钱与之,不教折损。或他不在时,被人折损,他来见了损处,必凄然伤感,取泥封之,谓之"医花"。为这件上,所以自己园中不轻易放人游玩。偶有亲戚邻友来看,难好回时,先将此话讲过,才放进去。又恐秽气触花,只许远观,不容亲近。倘有不达时务的,捉空摘了一花一蕊,那老儿便要面红颈赤,大发喉急。下次就打骂了,也不容进去看了。后来人都晓得了他的性子,就一叶儿也不敢摘动。

大凡茂林深树,便是禽鸟的巢穴。有花果处,越发千百为群。 如单食果实,倒还是小事,偏偏只拣花蕊啄伤。惟有秋先却将米 谷置于空处饲之;又向禽鸟祈祝。那禽鸟却也有知觉,每日食饱, 在花间低飞轻舞,宛转娇啼,并不损一朵花蕊,也不食一个花实。 故此产的果品最多,却又大而甘美。每熟时秋先望空祭了花神,然后敢尝。又遍送左近邻家试新。余下的方鬻。一年倒有若干利息。

那老者因得了花中之趣,自少至老,五十余年,略无倦怠。 筋骨愈觉强健。粗衣淡饭,悠悠自得。有得赢余,就把来周济村 中贫乏。自此合村无不敬仰,又呼为"秋公"。他自称为"灌园叟"。 有诗为证:

> 朝灌园兮暮灌园,灌成园上百花鲜。 花开每恨看不足,为爱看园不肯眠。

话分两头。却说城中有一人姓张,名委,原是个宦家子弟, 为人奸狡诡诈,残忍刻薄。恃了势力,专一欺邻吓舍,扎害良善。 触着他时,风波立至。必要弄得那人破家荡产,方才罢手。手下 用一般如狼似虎的奴仆,又有几个助恶的无赖子弟,日夜合做一 块,到处闯祸生灾,受其害者无数。不想却遇了一个又狠似他的, 轻轻捉去,打得个臭死。及至告到官司,又被那人弄了些手脚, 反问输了。因妆了幌子,自觉无颜,带着了四五个家人,同那一 班恶少,暂在庄上遣闷。那庄正在长乐村中,离秋公不远。

一日早饭后,吃得半酣光景,向村中闲走,不觉来到秋公门首。只见篱上花枝鲜媚,四周树木繁茂,齐道:"这所在倒也幽雅。是那家的?"家人道:"此是种花秋公园上,有名叫做'花痴'。"张委道:"我常闻得说庄边有什么秋老儿,种得异样好花,原来就住在此。我们何不进去看看?"家人道:"这老儿有些古怪,不许人看的。"张委道:"别人或者不肯,难道我也是这般?快去敲门。"

那时园中牡丹盛开,秋公刚刚浇灌完了,正将着一壶酒儿,两碟果品,在花下独酌,自取其乐。饮不上三杯,只听得砰砰敲门响,放下酒杯,走出来开门。一看,见站着五六个人,酒气直冲。秋公料道必是要看花的,便拦住门口,问道:"列位有甚事到此?"张委道:"你这老儿,不认得我么?我乃城里有名的张衙内。那边张家庄便是我家的。闻得你园中好花甚多,特来游玩。"秋公道:"告衙内,老汉也没种甚好花,不过是桃李之类,都已谢了。如今并没别样花卉。"张委睁起双眼道:"这老儿恁般可恶!看看花儿,打甚紧,却便回我没有!难道吃了你的?"秋公道:"不是老汉说谎,果然没有。"张委那里肯听,向前叉开手,当胸一拳。秋公站立不牢,踉踉跄跄直撞过半边。众人一齐涌进。秋公见势头凶恶。只得让他进去,把篱门掩上,随着进来,向花下取过酒果,站在旁边。众人看那四边花草甚多,惟有牡丹最盛。那花不是寻常玉楼春之类,乃五种有名异品。那五种:

黄楼子,绿蝴蝶,西瓜穰,舞青猊,大红狮头。

这牡丹乃花中之王,惟洛阳为天下第一,有"姚黄""魏紫" 名色,一本价值五千。你道因何独盛于洛阳?只为昔日,唐朝有 个武则天皇后,淫乱无道,宠幸两个官儿,名唤张易之、张昌宗, 于冬月之间,要游后苑,写出四句诏来,道:

> 来朝游上苑,火速报春知。 百花连夜发,莫待晓风吹。

不想武则天原是应运之主,百花不敢违旨,一夜发蕊开花。 次日驾幸后苑,只见千红万紫,芳菲满目。单有牡丹花有些志气, 不肯奉承女主幸臣,要一根叶儿也没有。则天大怒,遂将牡丹花 贬于洛阳,故此洛阳牡丹冠于天下。有一只《玉楼春》词,单赞牡丹花的好处。词云:

名花绰约东风里,占断韶花都在此。芳心一片可人怜,春色三分愁雨洗。玉人尽日恹恹地,猛被笙歌惊破睡。乍临妆镜似娇羞,近日伤春输与你。

那花正种在草堂对面,周围以湖石拦之,四边竖个木架子,上复布幔遮蔽日色。花本高有丈许,最低亦有六七尺。其花大如丹盘,五色灿烂,光华夺目。众人齐赞:"好花!"张委便踏上湖石去嗅那香气。秋先极怪的是这节,乃道:"衙内站远些看,莫要上去。"张委恼他不容进来,心下正要寻事;又听了这话,喝道:"你那老儿住在我庄边,难道不晓得张衙内名头么?有恁样好花,故意回说没有,不计较就够了,还要多言!那见得闻一闻就坏了花,你便这般说,我偏要闻!"遂把花逐朵攀下来,一个鼻子凑在花上去嗅。

那秋老在傍,气得敢怒而不敢言。也还道略看一回就去,谁知这厮故意卖弄道:"有恁样好花,如何空过?须把酒来赏玩。"分付家人快去取。秋公见要取酒来赏,更加烦恼,向前道:"所在蜗窄,没有坐处。衙内止看看花儿,酒还到贵庄上去吃。"张委指着地上道:"这地下尽好坐。"秋公道: "地上龌龊,衙内如何坐得?"张委道:"不打紧,少不得有毡条遮衬。"不一时,酒肴取到,铺下毡条。众人团团围坐,猜拳行令,大呼小叫,十分得意。只有秋公骨笃了嘴,坐在一边。

那张委看见花木茂盛,就起个不良之意,思想要吞占他的。

斜着醉眼,向秋公道:"看你这蠢老儿不出,倒会种花!却也可取!赏你一杯酒?"秋公那有好气答他,气忿忿地道:"老汉天性不会饮酒,衙内自请。"张委又道:"你这园可卖么?"秋公见口声来得不好,老大惊讶,答道:"这园是老汉的性命,如何舍得卖!"张委道:"什么性命不性命!卖与我罢了!你若没去处,一发连身归在我家,又不要做别事,单单替我种些花本,可不好么?"众人齐道:"你这老儿好造化!难得衙内恁般看顾!还不快来谢恩!"秋公看见逐步欺负上来,一发气得手足麻软,也不去睬他。张委道:"这老儿可恶!肯不肯,如何不答应?"秋公道:"说过不卖了,怎的只管问?"张委道:"放屁!你若再说句不卖,就写贴儿送到县里去!"秋公气不过,欲要抢白几句,又想一想:"他是有势力的人,却又醉了,怎与他一般样见识?且哄了去再处。"忍着气答道:"衙内纵要买,也须从容一日。岂是一时急骤的事?"众人道:"这话也说得是。就在明日罢。"

此时都已烂醉,齐立起身。家人收拾家火先去。秋公恐怕折花,预先在花边防护。那张委真个走向前,便要踹上湖石去采。 秋先扯住道:"衙内,这花虽是微物,但一年间,不知费多少工夫,才开得这几朵。不争折损了,深为可惜。况折去不过一二日就谢了,何苦作这样罪过?"张委喝道:"胡说!有甚罪过?你明日卖了,便是我家之物,就都折尽,与你何干!"把手去推开。秋公揪住,死也不放,道:"衙内便杀了老汉,这花决不与你摘的!"众人道:"这老儿其实可恶!衙内取朵花儿,值什么大事?妆出许多模样!难道怕你就不摘了?"遂齐走上前乱摘。把那老儿急得叫屈连天,舍了张委,拚命去拦阻。扯了东边,顾不得西首。顷刻 间, 摘了许多。

秋公心疼肉痛,骂道:"你这班贼男女,无事登门,将吾欺负,要这性命何用!"赶向张委身边,撞个满怀,去得势猛,张委又多了几杯酒,把脚不住,翻斤半斗倒。众人都道:"不好了!衙内打坏了!"齐将花撇下,便赶过来要打秋公。内中有一个老成些的,见秋公年纪已老,恐打出事来,劝住众人,扶起张委。张委因跌了这交,羞中转恼。赶上前打得个只蕊不留,撒作遍地,意犹未足,又向花中践踏一回。可惜好花!正是:

老拳毒手交加下,翠叶娇花一旦休。 好似一番风雨恶,乱红零落没人收。

当下只气得个秋公抢地呼天,满地乱滚。邻家听得秋公园中喧嚷,齐跑进来,看见花枝满地狼藉,众人正在行凶,邻里尽吃一惊,上前劝住。问知其故。内中倒有两三个是张委的租户,齐替秋公陪个不是,虚心冷气,送出篱门。张委道:"你们对那老贼说,好好把园送我,便饶了他!若说半个'不'字,须教他仔细着!"恨恨而去。

邻里们见张委醉了,只道酒话,不在心上,复身转来,将秋公扶起,坐在阶沿上。那老儿放声号恸。众邻里劝慰了一番,作别出去,与他带上篱门。一路行走,内中也有怪秋公平日不容看花的,便道:"这老官儿真个忒煞古怪!所以有这样事。也得叫他经一遭儿,警戒下次。"内中又有直道的道: "莫说这没天理的话。自古道'种花一年,看花十日。'那看的但觉好看,赞声'好花'罢了,怎得知种花的烦难?只这几朵花,正不知费了许多辛

苦,才培值得恁般茂盛,如何怪得他爱惜?"

不题众人。且说秋公不舍得这些残花,走向前,将手去捡起来,看见践踏得凋残零落,尘垢沾污,心中凄惨,又哭道:"花阿!我一生爱护,从不曾损坏一瓣一叶,那知今日遭此大难!"

正哭之间,只听得背后有人叫道:"秋公为何恁般痛哭?"秋 公回头看时, 乃是一个女子, 年约二八, 姿容美丽, 雅淡梳妆, 却不认得是谁家之女, 乃收泪问道:"小娘子是那家?至此何干?" 那女子道:"我家居在左近。因闻你园中牡丹花茂盛,特来游玩, 不想都已谢了。"秋公提起"牡丹"二字,不觉又哭起来。女子道: "你且说有甚苦情,如此啼哭?"秋公将张委打花之事说出。那 女子笑道: "原来为此缘故。你可要这花原上枝头么?" 秋公道: "小娘子休得取笑。那有落花返枝之理?"女子道:"我祖上传得 个 '落花返枝'的法术,屡试屡验。"秋公听说, 化悲为喜道:"小 娘子真个有这法术么?"女子道:"怎的不真!"秋公倒身下拜道: "若得小娘子施此妙术, 老汉无以为报, 但每一种花开, 便来相 请赏玩。"女子道:"你且莫拜。去取一碗水来。"秋公慌忙跳起去 取水,心中又转道:"如何有这样妙法?莫不是见我哭泣,故意取 笑?"又想道:"这小娘子从不相认,岂有耍我之理?还是真的。" 急舀了一碗清水出来,抬头不见了女子。只见那花都已在枝头, 地下并无一瓣遗存。起初每本一色,如今却变做红中间紫,淡内 添浓,一本五色俱全,比先更觉鲜妍。有诗为证:

曾闻湘子将花染,又见仙姬会返枝。 信是至诚能动物,愚夫犹自笑花痴。

当下秋公又惊又喜道:"不想这小娘子果然有此妙法!"只道

还在花从中,放下水,前来作谢。园中团团寻遍,并不见影。乃 道:"这小娘子如何就去了?"又想道:"必定还在门口,须上去 求他传了这个法儿。"一径赶至门边,那门却又掩着。拽开看时, 门首坐着两个老者,就是左近邻家,——一个唤做虞公,一个叫 做单老,——在那里看渔人晒网。见秋公出来,齐立起身拱手道: "闻得张衙内在此无理,我们恰在田头,没有来问得。"秋公道: "不要说起!受了这班泼男女的呕气。亏着一位小娘子走来,用 个妙法, 救起许多花朵, 不曾谢她一声, 径出来了。二位可看见 往那一边去的?"二老闻言,惊讶道:"花坏了有甚法儿救得?这 女子去几时了?"秋公道: "刚才出来。"二老道:"我们坐在 此好一回,并没个人走动,那见什么女子!"秋公听说,心下恍悟 道:"恁般说,莫不这位小娘子是神仙下降?"二老问道:"你且 说怎的救起花儿?"秋公将女子之事叙了一遍。二老道:"有 如此奇事! 待我们去看看。" 秋公将门拴上,一齐走至花下看了。 连声称异道:"这定然是神仙,凡人那有此法力!"秋公即焚起一 炉好香,对天叩谢。二老道:"这也是你平日爱花心诚,所以感动 神仙下降。明日索性倒教张衙内这几个泼男女看看,羞杀了他。" 秋公道:"莫要,莫要。此等人即如恶犬,远远见了,就该避之, 岂可还引他来?二老道:"这话也有理。"

秋公此时非常欢喜,将先前那瓶酒热将起来,留二老在花下玩赏,至晚而别。二老回去一传,合村人都晓得。明日俱要来看,还恐秋公不许。谁知秋公原是有意思的人,因见神仙下降,遂有出世之念,一夜不寐,坐在花下存想。想至张委这事,忽地开悟

道:"这皆是我平日心胸褊窄,故外侮得至。若神仙汪洋度量,无所不容,安得有此!"至次早将园门大开,任人来看。先有几个进来打探,见秋公对花而坐,但分付道:"任凭列位观看,切莫要采便了。"众人得了这话,互相传开。那村中男子妇女,无有不至。

按下此处。且说张委至次早,对众人道:"昨日反被那老贼撞了一交;难道轻恕不成!如今再去要他这园。不肯时,多教些人从,将花木尽打个稀烂,方出这气!"众人道:"这园在衙内庄边,不怕他不肯。只是不该把花都打坏,还留几朵,后日看看便是。"张委道:"这也罢了,少不得来年又发。我们快去,莫要使他停留长智。"

众人一齐起身,出得庄来,就有人说秋公园上神仙下降,打下的花,原都上了枝头,却又变做五色。张委不信道:"这老贼有何好处,能感神仙下降?况且不前不后,刚刚我们打坏,神仙就来,难道这神仙是养家的不成?一定是怕我们又去,故此诌这话来,央人传说,见得他有神仙护卫,使我们不摆布他。"众人道:"衙内之言极是。"

顷刻到了园门口,见两扇柴门大开,往来男女,络绎不绝,都是一般说话。众人道:"原来真有这等事!"张委道:"莫管他!就是神仙见坐着,这园少不得要的!"湾湾曲曲,转到草堂前看时,果然话不虚传。这花却也奇怪:见人来看,姿态愈艳,光采倍生,如对人笑一般。

张委心中虽十分惊讶,那吞占念头全然不改。看了一回,忽 地又起一个恶念,对众人道:"我们且去!"齐出了园门。众人问 道:"衙内如何不与他要园?"张委道:"我想得个好计在此,不 消与他说得,这园明日就归于我!"众人道:"衙内有何妙策?"张委道:"见今贝州王则谋反。专行妖术。枢密府行下文书。普天下军州严禁左道,捕缉妖人。本府见出三千贯赏钱,募人出首。我明日就将落花上枝为由,教张霸到府,首他以妖术惑人。这个老儿熬刑不过,自然招承下狱。这园必定官卖。那时谁个敢买他的?少不得让与我。还有三千贯赏钱哩!"众人道:"衙内好计!事不宜迟,就去打点起来。"当时即进城写下首状。次早,教张霸到平江府出首。这张霸是张委手下第一出尖的人,衙门情熟,故此用他。

大尹正在缉访妖人,听说此事,合村男女都见的,不由不信。即差缉捕使臣,带领几个做公的,押张霸作眼,前去捕获。张委将银布置停当,让张霸与缉捕使臣先行,自己与众子弟随后也来。缉捕使臣一径到秋公园上。那老儿还道是看花的,不以为意。众人发一声喊,赶上前一索捆翻。秋公吃这一吓不小。问道:"老汉有何罪犯?望列位说个明白。"众人口口声声骂做妖人反贼,不由分说拥出门来。邻里看见,无不失惊,齐上前询问。缉捕使臣道:"你们还要问么?他所犯的事也不小,只怕连村上人都有分哩!"那些愚民,被这大话一吓,心中害怕,尽皆洋洋走开,惟恐累及。只有虞公单老,同几个平日与秋公相厚的,远远跟来观看。

且说张委俟秋公去后,便与众弟子来锁园门;恐还有人在内, 又检点一遍,将门锁上。随后赶至府前。缉捕使臣已将秋公解进, 跪在月台上。见旁边又跪着一人,却不认得是谁。那些狱卒都得 了张委银子,已备下诸般刑具伺候。大尹喝道:"你是何处妖人, 敢在此地方上将妖术煽惑百姓?有几多党羽?从实招来!"秋公闻言,恰如黑暗中闻个火炮,正不知从何处起的;禀道:"小人家世住于长乐村中,并非别处妖人,也不晓得什么妖术。"大尹道:"前日你用妖术,使落花上枝,还敢抵赖!"

秋公见说到花上,情知是张委的缘故。即将张委要占园打花, 并仙女下降之事,细诉一遍。不想那大尹性是偏执的,那里肯信, 乃笑道:"多少慕仙的,修行至老,尚不能得遇神仙,岂有因你哭 花,仙就肯来?即来了,也必定留个名儿,使人晓得,如何又不 别而去?这样话哄那个!不消说得,定然是个妖人!快夹起来!" 狱卒们齐声答应,如狼虎一般,蜂拥上来,揪翻秋公,扯腿拽脚。 刚要上刑,不想大尹忽然一个头晕,险些儿跌下公座。自觉头目 森森,坐身不住。分付上了枷杻,发下狱中监禁,明日再审。

狱卒押着,秋公一路哭泣出来。看见张委道:"张衙内,我与你前日无怨,往日无仇,如何下此毒手,害我性命!"张委也不答应,同了张霸,和那一班恶少,转身就走。虞公单老接着秋公,问知其细,乃道:"有这等冤枉的事!不打紧,明日同合村人具张连名保结,管你无事。"秋公哭道:"但愿得如此便好!"狱卒喝道:"这死囚还不走,只管哭什么!"

秋公含着眼泪进狱。邻里又寻些酒食,送至门上。那狱卒谁个拿与他吃,竟接来自去受用。到夜间将他上了囚床,就如活死人一般,手足不能少展,心中苦楚,想道:"不知那位神仙,救了这花,却又被那厮借此陷害。神仙呵!你若怜我秋先,亦来救拔性命!情愿弃家入道。"

一头正想,只见前日那仙女冉冉而至。秋公急叫道:"大仙救

拔弟子秋先则个!"仙女笑道:"当欲脱离苦厄么?"上前把手一指,那枷杻纷纷自落。秋先爬起来,向前叩头道:"请问大仙姓氏?"仙女道:"吾乃瑶池王母座下司花女,怜汝惜花至诚,故令诸花返本。不意反资奸人谗口。然亦汝命中合有此灾。明日当脱。张委损花害人,花神奏闻上帝,已夺其算。助恶党羽,俱降大灾。当宜笃志修行。数年之后,吾当度汝。"秋先又叩首道: "请问上仙修行之道。"仙子道:"修仙径路甚多,须认本源。汝原以惜花有功,今亦当以花成道。汝但饵百花,自能身轻飞举。"遂教其服食之法。

秋先稽首叩谢起来,便不见了仙子。抬头观看,却在狱墙之上,以手招道:"汝亦上来,随我出去,随我出去。"秋先便向前攀援了一回,还只到得半墙,甚觉吃力。渐渐至顶,忽听得下边一棒锣声,喊道:"妖人走了!快拿下!"秋公心下惊慌,手酥脚软,倒撞下来,撒然惊觉,元在囚床之上。想起梦中言语,历历分明,料必无事,心中稍宽。正是

但存方寸无私曲,料得神明有主张。

且说张委见大尹已认做妖人,不胜欢喜,乃道:"这老儿许多清奇古怪,今夜且请在囚床上受用一夜,让这园儿与我们乐罢!" 众人都道:"前日还是那老儿之物,未曾尽兴。今日是大爷的了,须要尽情欢赏。"张委道:"言之有理。"遂一齐出城,教家人整备酒肴,径至秋公园上,开门进去。那邻里看见是张委,心下虽然不平,却又惧怕,谁敢多口。

且说张委同众子弟走至草堂前, 只见牡丹枝头一朵不存, 原

如前日打下时一般,纵横满地。众人都称:"奇怪"。张委道:"看起来这老贼果系有妖法的;不然,如何半日上倏尔又变了?难道也是神仙打的?"有一个子弟道:"他晓得衙内要赏花,故意弄这法儿来吓我们。"张委道:"他便弄这法儿,我们就赏落花!"当下依原铺设毡条,席地而坐,放开怀抱恣饮。也把两瓶酒赏张霸,到一边去吃。看看饮至月色挫西,俱有半酣之意,忽地起一阵大风。那风好利害:

善聚庭前草,能开水上萍。 腥闻群虎啸,响合万松声。

那阵风,却把地下这些花朵吹得都直竖起来,眨眼间,俱变做一尺来长的女子。众人大惊,齐叫道:"怪哉!"言还未毕,那些女子迎风一幌,尽已长大,一个个姿容美丽,衣服华艳,团团立做一大堆。众人因见恁般标致,通看呆了。内中一个红衣女子,却又说起话来道:"吾姊妹居此数十余年,深蒙秋公珍重护惜,何意蓦遭狂奴,俗气熏炽,毒手摧残,复又诬陷秋公,谋吞此地!今仇在目前,吾姊妹易不戮力击之,上报知己之恩,下雪摧残之耻,不亦可乎?"众女郎齐声道:"阿妹之言有理。须速下手,毋使潜遁。"说罢,一齐举袖扑来。那袖似有数尺之长,如风翻乱飘,冷气入骨,众人齐叫"有鬼!"撇下家伙,望外乱跑。彼此各不相顾。也有被石块打脚的,也有被树枝抓翻的,也有跌而复起,起而复跌的,乱了多时,方才收脚。点检人数都在,单不见了张委、张霸二人。

此时风已定了,天色已昏。这班子弟各自回家,恰像捡得性 命一般,抱头鼠窜而去。家人们喘息定了,唤几个生力庄客,点 起火把复身去找寻。直到园上,只听得大梅树下有呻吟之声。举火看时,却是张霸,被梅根绊倒,跌破了头,挣扎不起。庄客着两个先扶张霸归去。众人周园走了一遍,但见静悄悄的万籁无声。牡丹棚下繁花如故,并无零落。草堂中杯盘狼藉,残羹淋漓。众人莫不吐舌称奇。一面收拾家伙,一面重复照看。这园子又不多大,三回五转,毫无踪影,难道是大风吹去了?女鬼吃去了?正不知躲在那里。延捱了一会,无可奈何,只索回去过夜,再作计较。

方欲出门,只见门外又有一伙人,提着行灯进来。不是别人,却是虞公单老,闻知众人遇鬼之事,又闻说不见了张委,在园上找寻,不知是真是假,合着三邻四舍,进园观看。问明了众庄客,方知此事果真。二老惊讶不已。教众庄客,"且莫回去,老汉们同列位还去找寻一遍。"众人又细细照看了一回,正是兴尽而归,叹了口气,齐出园门。二老道:"列位今晚不来了么?老汉们告过,要把园门落锁。没人看守得,也是我们邻里的干系。"此时庄客们蛇无头而不行,已不似先前声势了,答应道:"但凭,但凭。"

两边人待要散,只见一个庄客在东边墙脚下,叫道:"大爷有了!"众人蜂拥而前。庄客指道:"那槐枝上挂的,不是大爷的软翅纱巾么?"众人道:"即有了巾帻,人也只在左近。"沿墙照去,不多几步,只叫得声"苦也!"

原来东角转弯处有个粪窖,窖中一人,两脚朝天,不歪不斜, 刚刚倒插在内。庄客认得鞋袜衣服,正是张委。顾不得臭秽,只 得上前打捞起来。虞单二老暗暗念佛,和邻舍们自回。众庄客抬 了张委,在湖边洗净。先有人报去庄上。合家大小,哭哭啼啼, 准备棺衣入殓,不在话下。其夜张霸破头伤重,五更时亦死。此 乃作恶的见报。正是:

两个凶人离世界,一双恶鬼赴阴司。

次日,大尹病愈升堂,正欲吊审秋公之事,只见公差禀道:"原告张霸,同家长张委,昨晚都死了。"如此如此,这般这般。大尹大惊,不信有此异事。须臾间,又见里老乡民,共有百十人,连名具呈前事。诉说秋公平日惜花行善,并非妖人。张委设谋陷害,神道报应,前后事情,细细分剖。

大尹因昨日头晕一事,亦疑其枉。到此心下豁然。还喜得不曾用刑。即于狱中吊出秋公,当堂释放。又给印信告示,与他园门张挂,不许闲人侵损他花木。众人叩谢出府。秋公向邻里作谢,一路同了虞单二老,开了园门,同秋公进去。秋公见牡丹繁盛如初,伤感不已。众人治酒与秋公压惊。秋公又答席。一连吃了数日酒席。

闲话休题。自此以后,秋公日饵百花,渐渐习惯,遂谢绝了烟火之物。所鬻果实之资,悉皆布施。不数年间,鬓发更黑,颜色转如童子。

一日正值八月十五日,丽日当天,万里无瑕。秋公正在花下 趺坐,忽然祥风微拂,彩云如蒸,空中音乐嘹亮,异香扑鼻,青 鸾白鹤,盘旋翔舞,渐至庭前。云中正立着司花女,两边幡幡宝 盖,仙女数人各奏乐器。秋公看见,扑翻身便拜。司花女道:"秋 先,汝功行圆满,吾已奏闻上帝,有旨封汝为护花使者,专管人 间百花,令汝拔宅上升。但有爱花惜花的,加之以福;残花毁花 的,降之以灾。"秋公向空叩首谢恩讫,随着众仙登云。草堂花木,

- 一齐冉冉升起,向南而去。虞公、单老和那合村之人都看见的,
- 一齐下拜,还见秋公在云中举手谢众人,良久方没。此地遂改名"升仙里",又谓之"惜花村"。云:

园公一片惜花心,得感仙姬下界临。 草木同升随拔宅,淮南不用炼黄金。

(《醒世恒言》)